

IOSEPHI SCALIGERI
IVL. CÆS. F.
E P I S T O L A
D E
VETVSTATE ET SPLENDORE
GENTIS SCALIGERÆ,
E T
IVL. CÆS. SCALIGERI
V I T A.

IVL. CÆS. SCALIGERI Oratio
in luctu filioli AVDECTI.

Item TESTIMONIA *de Gente Scaligera*
& Iul. Cæs. Scaligero.



LVGDVNI BATAVORVM,
EX OFFICINA PLANTINIANA,
Apud Franciscum Raphelengium.
CLD. ID. XCIV.



INSIGNIA FRISCA GENTIS
SCALIGERÆ ANTE INITIA
IMPERII VERONENSIS.

INSIGNIA PROSAPIÆ
PRINCIPVM VERONENSIVM
AB ALBOINO ET CANE
MAGNO AD IVL. CÆS. SCALIG.

Nobilissimo Amplissimoq; viro

PAVLO SCOVARTIO

BVSANVALIO,

Christianissimi Francorum Regis
apud

Illustrissimos Ordines Prouinciarum
confœderatarum Belgij, &c.

LEGATO,

IANVS DOVSA F.

s. d.



MAGNI semper existi-
maui interesse ad decus
& laudem cum litera-
rum tum colentium li-
teras, magnorum inge-
niorū memoriam con-
seruari, vt ostendantur posteritati. Se-
culi enim pudor sit, si illi qui immortali-
bus suis vigiliis sibi prospexerunt, ne
perirent, illorum ignauia interciderant;

quibus ipsi industriæ exempla sunt. Et
quidem hac in parte ætas nostra in tan-
tum deflenda videtur ob incuriam vir-
tutum, quantum suspicienda ob fœcun-
ditatem, quæ tam multos excellentes
viros & verà gloriâ splendidissimos pro-
tulit, sed diu ignoratos, sed eodem in-
perpetuum silentio obruēdos, nisi obli-
uioni obluētata esset eorum diligentia.
Ne longe abeam, eluxit hoc seculo Iulij
Cæsaris Scaligeri clarissimū ingenium
& singularis exempli, etiam si olim exti-
tisset: cuius tamē eximias virtutes quies
ipsius & silentium diu occuluit & sub-
traxit famæ. Natus erat in familia il-
lustrissimâ, sed è fastigio suo deuolutâ,
quam tamen ille nominis sui gloriâ tan-
tum erexit, quantum fortuna depreffe-
rat. Ab ineunte pueritiâ militaribus
studiis innutritus, cū potiore ætatis
partem in iis contriuisset, post multa
humanorum casuum in Patre ac Pa-
truis suis documenta, post exhaustam
contu-

contumacis miseriæ acerbicatem è Mu-
sarum cõtubernio ausus est petere cum
præsentiũ tum præteritorum malo-
rum leuamenta, & tandem infructuosæ
occupationi innoxium & quondam
gloriosum otium præferre, tam oppor-
tuno remedio, tam felici successu, vt
qui continuatis belli per tot annos la-
boribus seque & spes suas corrupisset,
viarum ac militiæ fessus in hoc quietis
portu anchoram figeret, & in literario
exercitu non interitura laudis stipen-
dia mereret. Itaque amissæ in maiori-
bus suis magnitudinis spe amissâ nouæ
initium à sua fecit. & scientiarum or-
bem vniuersum, tanquam altera natu-
ra, animo atq. intellectu complexus
osterndit, quid in summo ingenio sum-
ma posset industria. Et tamen hic tan-
tus vir tot eximias animi dotes, tam in-
comparabilem doctrinam, dum viue-
ret, ambitionis fugâ & secessu tegebat,
vt mirabile esset in tanta temporum

luce hominem esse qui tam multa sciret, & tamen nesciretur. Ingenij quidem sui monimenta quàm paucissima, dum viueret, nec nisi sub exitum vitæ in lucem prodire passus est. Magna eorum pars, quæ quidem ciuiliū bellorum incendium effugere potuit, post eius obitum publicata. Quæ omnia maiorum ipsius claritudini par ingenium, & supra hoc seculum doctrinam omnibus seculis loquentur. Sed non hic locus describendi eius laudes, quas circumscribere est tam parcè transcurrere, quarumque famam, dum doctrina erit, tuebuntur semper doctissimi libri. Quò magis adnitendum esse existimo omnibus, quorum interest vacare Musis, vt nihil eorum lateat, quæ ille tanquam profutura posteris scripsit. Itaque quum inter cetera, quæ quantus ille vir in omni eloquentiæ genere fuerit, ostendunt, exstaret oratio in Audecti filioli luctu habita, qua infantis eius interce-

terce-

terceptam inter prima cunabula indolem facundissimè deplorat, eam iam pridem, tametsi olim typis excusam, cum non amplius inter manus hominum versari dolerem, iteratâ editione publici iuris facere, pretium putavi, ne & ipsa simili cum ceteris plerisque naufragio interiret. Sed expectanda fuit occasio, ut comitator prodiret elegantissimus hic libellus. Itaque cum alia eiusdem opuscula rariora addere decrevissem, neque argumenti genere convenirent, deprehendi tandem Iosephum Scaligerum virum incomparabilem, cuius ingenio paternarum auitarumque virtutum splendor multo factus est admirabilior, cum post gravius operæ studia etiam hoc sese cum maioribus suis tum posteritati debere existimaret, ut huic illos, quales fuissent, breviter indicaret, ne aut ignoti essent, aut aliter, quàm debeant, noti, eâ de re epistolam ad Patrem contexuisse. Visa, igitur

fuit perbella occasio vt eam vni scriptam communicaret omnibus, quæ ad omnes pertineret, præmittique pateretur Orationi huic, tum ob argumenti similitudinem, tum ad retundendos eos, qui alieni nominis obtrectatione famam verius aucupantur, quam gloriam, quorum hoc seculum nimis ferax. Ad didimus & alia Iulij Scaligeri Poemata, quæ ad hanc rem spectare videbantur. Quæ omnia & erudito lectori grata fore scio, & posteritati accepta, cuius curam vir ille tot laboribus & curis suis meruit. Fauebis & ipse, quod confido, huic muneri, vir Amplissime, vel familiæ causâ, quæ tam altè cecidit, vt ad summa consurgeret, vel illorum, qui in eam tantum luminis intulerunt, vel literarum, quas in tantum promouerunt. Nam & virtutes eorum verè amas & æstimas, quia capis, & literarum curam etiam in grauissimis occupationibus nunquam dimittis. Itaque reliquis benefactis

nefactis tuis, quæ in nos congeffisti, hic
titulus accedat in numerum, vt de mu-
nufculi ipsius dignitate & expertæ to-
ties mihi benignitatis exemplis ortam
fiduciam profequatur constantia fa-
uentiæ atque humanitatis tuæ. Vale.
Lugduni Batauorum x. Kalend. Sext.
CIC. IC. XCIV.

SERIES

SERIES SCALIGERORVM, PRINCIPVM VERONENSIVM, A MASTINO PRIMO COMITE SCALENBVRGI, CIVE VERONENSI, AD IVLIVM CESAREM A BARDEN, BENEDICTI FILIVM, IOSEPHI SCALIGERI PATREM.

<p>MASTINO MVS II. PRIMUM DIGATOR VERONENSIS</p>	<p>NICOLAVS</p>	<p>BAROTOMASVS Vxor Comitissa filia pfectis Antiochia, ducis Apulie Hendri filii Comitiss sabaug.</p>	<p>MASTINO MVS II. PRIMUM DIGATOR VERONENSIS</p>	<p>BAROTOMASVS Vxor Comitissa filia pfectis Antiochia, ducis Apulie Hendri filii Comitiss sabaug.</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>	<p>MASTINO MVS II. PRIMUM DIGATOR VERONENSIS</p>
--	-----------------	---	--	---	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--



INGENIUM cui Dis, & mens contermina calo,
 Cuncta unus, cunctos qui super unus eras,
 Musarum pater, & dextra par fulmine Marti,
 Dum pariter trahas singula mente pari;

Quem

Quem rerum omnigenas Natura exquirere vires
Non docuit, de quo docta sed ipsa suas:
Æmule Natura, metâ & spes ultima rerum;
Dicere quem totum Fama nec ipsa potest.
Qui mundum implesti, imple animo mea verba, teneri
Humanâ modò mens si tua mente potest.
Sed neque te mens nostra capit, vestrasque tacere
Nulla valet laudes lingua, vel exprimere;
Ipse tuos nisi, queis Nati intra pectora viuis
Post obitum, aspires in mea vota Deos.
Ut Fama momenta, tuo quæ lumine maior
Facta volat, possit linguæve mēsrve sequi,
Dia quæ inaccessæ excipiant incendia mentis,
Et lucem à tanto concipiant animo.
Sed non mortales hebetantia fulgura visus,
Non aciem ingenij hanc lumina nostra ferunt.
Nec fas sit mihi plura, sed hoc sit fas mihi solum
Dicere, te, nisi tu, dicere nemo potest.
Quid mirum? Natura loqui nam destitit ipsa,
Illa tuo postquam destitit ore loqui.

IANVS DOVSA FILIVS.

IOSEPHVS
SCALIGER

I V L. C Æ S. F.

NOBILISSIMO

I A N O D O V S Æ,
DOMINO A N O R D W I C,

*Supremi Hollandia Consi-
storij Senatori:*

HAGAM COMITATENSEM.



VM a Francisco Sansouino luculen-
tum opus de illustribus Italix fami-
liis editum esse audiuissem, eiusque
videndi maximo desiderio arderem:
effectum est amicorum opera, vt eius
libri, qui vnicus in his regionibus
extabat, copia ad paucos dies mihi facta fuerit: intra
quas angustias quanuis raptim cum scriptorem per-
currimus: tamen per eas nobis licuit non solum fru-
ctum aliquem ex eius lectione colligere, sed etiam
de auctore, eiusque opere certo iudicare. Nam quin
ei ex accuratissima tot illustrium originum inuesti-
gatione maxima tam ab ipsis illustribus gentibus
gratia, quam a posteritate laus debeatur, negari non
potest. Quod autem vbi ad vetustissimam Scali-

A

geram

geram gentem, Regum & Principum progenitricem deuenit, non solum strictim & ieiune, sed etiam maligne de ea loquitur, non possum facere, quin quantum eius diligentiae tribuebam, tantum candori detraham. Historicus enim clarorum virorum facta moresque posteris tradit, sine gratia, ambitione, & inuidia, bonae tantum conscientiae precio ductus: ut si de veritate detrahat, necesse sit, hoc aut ignorantiae recti negligentiaeque adscribere, aut inuidiae. Sed ignorantia aut negligentia in eo locum non habent, qui in quibusdam propior adulatori nimio diligentior fuerit, in aliis etiam nimium quantum curiosus. Habet praeterea, ut excusari non possit, domesticos testes, per quos illi veraciori esse licuisset, & ridiculo ac contumelioso postremini nebulonis Villanij testimonio abstinere. Atque ut alios, qui olim praecclare de nostra gente & senserunt, & scripserunt, omittam, vernaculus scriptor Torellius Saraina iurisdōsultus tres libros de principibus Scaligeris & eorum gestis sermone patrio conscriptos reliquit: qui liber ante hos quinquaginta duos annos Veronae editus est. Cum ergo hoc non sit negligentia, est ergo succus loliginis. & *maximè*. Neque vero hic ictus est temerarius. ex destinato venit. Tandem sentimus nos ab hostibus nominis nostri oppugnari. Sed videamus, quid malivolentia lucrata sit ex hoc perfunctorio & obtrectationi proximo stilo. Nempe commemoratam a Sansouino clarissimi nostri generis gloriam lector praeteriisset. nunc praeteritae a Sansouino omnes causam requi-

runt.

runt. Miseram vero nobilitatem, quæ in alienum suffragium venit, & quam non natalibus & maiorum nostrorum virtuti, sed scriptorum libidini debemus. Ad precatorem, quæso, abeamus, qui nobis precariam generis vetustatem ab istis historicis impetret, quos nisi placatos habeamus, metuendum nobis est, ne non solum obscuri, sed ne bonis quidem prognati censeamur. Dantes Poeta illustrissimum Christianissimorum Regum Franciæ genus a laniis Parisiensibus deducit, vtrique tam vere, quam ille tenebrio nostrum a scalarum fabro: quas mirum, ni auctor generis in suspendium eorum parabat, quos varicinabatur illustri nobilitati suæ obtrektaturos. Paulus Iouius, me puero, in aula Henrici secundi obscurissimo cuiq. claritatem generis mercede pollicebatur, maledicentia vlturus, qui eius nundinationi aduersaretur: quod quidem expertus est Annas Mommorantius Comes stabuli Franciæ traductus a venali historico nō aliam ob rem, quam quod nescio quid impudenter petens, repulsam tulisset. Sed Iouius vltus est priuatum odium. Sansouino vnde ille liuor, & ærugo, non video. Dei bonitate, & maiorum meorum virtute, generi nostro semper suus constabit splendor, qui si nullus a natalibus esset, a patre meo, a me, ab alio incipere posset, cum vnusquisque sit auctor nobilitatis suæ, quoties ad priscorum heroum virtutes sese componens existimat eos maiores suos esse, nec ex quibus genitus, sed quem se ipse genuerit, & formauerit, respicit: & vnusquisque cauere potest, ne in malum deprauetur,

cum interdum euitare non possit, ne sua nobilitas in plebitatem degeneret: quod parum abest, quin hodie in nobis locum habeat, ex illa tam numerosa nobilitate ad paucos reductis. *Εὐδοκίου καὶ Ἰουλιανοῦ καὶ Κωνσταντίνου*. Quia igitur me rebus humanis exempto, nemo futurus est, qui memoriam gentis nostræ, aduersus hoc sæculum veritati & virtutibus tam infestum tueri possit, grassanti inuidiæ obuiam ire decreui, & generi nostro ab vltima vsque origine ad auum meum deducto, patris mei vitam subiicere: qui vt primus in gentem nostram literas intulit, ita dignus est, vt literis, de quibus tam bene meruit, memoria eius conseruetur: quam quidem ab obliuione vindicare, non ambitio est, sed fiducia veritatis. Quo minus difficile erit mihi apud æqua iudicia obtinere, ne aut putidus, aut molestus esse videar, si in patris mei vita explicanda, cum eius quædam memorauero, ideo laudare videar, quia illa laudanda. Non dubitavi autem, nobilissime Douza, quin tibi priuatim rem gratam facturus essem, si cuius scripta amas, eius vitam tibi describerem, quantum quidem meminisse possum eorum, quæ aut ipse vidi, aut ab ipso, aut ab eius æqualibus, qui cum in Liguribus Taurinis militantem viderunt & nouerunt, accepi. Multa hæcenus latent me, quæ ignoro: multa excidere, quæ sciu: vt possim agnoscere morbum memoriæ meæ, quæ mihi in hac ætate aures vellit, & me monet quotidie mori. Quanquam vero ex quo tempore transcriptus es in hanc coloniam, tanti tibi est rei publicæ vacare, vt necessario

animum

animum tuum circumscribas a melioribus studiis :
 tamen tibi iniquus sima, si publicas occupationes
 tuas neglectum literarum interpreter, quasi bellum
 aut odium his humanioribus indixeris. Hoc non tibi,
 sed illis obiiciendum est, quibus domus sua diuer-
 sorium otij est : cum tua tibi sit a publicis curis ad
 honesta studia receptus. Neque vero ignoro, quo-
 cunque tempore conueniaris, parum tibi a re publi-
 ca vacare. Sed si cum tot concurrentibus curis paria
 fecisti, & tanti facis hanc epistolam, ut totam velis
 perlegere, puta te nondum labore defunctum, sed
 laborem tantum mutasse : quem tibi non indicarem,
 nisi e dignitate gentis Scaligeræ esse existimarem,
 tibi doctissimo patris mei vitam, nobilissimo nobi-
 litatem eius non ignorari : de qua tamen nemo pau-
 lo doctior dubitare, nemo probior non fateri debet :
 tamen omni nobilitati hoc, ut ita dicam, vitium in-
 teruenit, quod ea sine opinione hominum sola sese
 tueri non potest. Nam nobilem ignorari, est inter
 ignobiles censer. adeo ut noli minus referat nobi-
 lem haberi, quam esse : & nihil intersit, diuitiæ te
 nobilem acceperint, an fecerint : cum factio atque
 opes vetustam originem in nobilitate continent,
 nouam in nobilitatem admittant. Quod si hæc ad-
 minicula defecerint, vel ex principe, nobilis mino-
 rum gentium, vel ex nobili plebs fiet. Non vacat
 adducere huc tum quos prisca historia memoriam
 prodidit, tum quos maiorum aut nostra ætas tulit,
 imo quos ipsi vidimus, oriundos felicibus, infelices
 vero aut nuper natos, aut factos : quorum generis fa-

stigium idem casus, qui & domorum, decusserit. Non adferam tot illustrium familiarum non tantum ipsis, sed & stantibus quoq. lamentabiles euer-
siones. Abunde fidem fecerit fortuna Scaligeræ
domus, quæ vt maiestatem generis apud mentes ho-
minum perpetuare poterat imperio suo retinendo,
ita amittendo, splendorem, quem continuare non
potuit, obscurauit. Itaque cum videam quasdam
familias, historicorum magis factione, quam meri-
to natalium suorum, priscarum prosapiarum illu-
strem gloriam æquasse: nobis metuendum non erat,
ne stante fortuna imperij nostri, decissent, qui tam
illustis, tam vetustæ gentis memoriam saltem con-
seruarent. Sed versis fatis in contraria, vix est, vt ho-
mines non sibi persuaferint, quia nullum est Scali-
gerorum imperium, propterea nullos extare Scalige-
ros. Imo multi sunt, qui non solum ipsi credere, sed
& nobis persuadere, si ita insanimus, parati sunt:
cum tamen hodieque multæ familiæ Scaligeræ stir-
pis extent tum in Bauaria, & reliquo Norico, tum in
Dalmatia, & Karnia. Quare qui defecisse vniuer-
sum genus Scaligerorum clamant, & scriptis palam
testantur, næ ipsi sui nominis & pudoris decoctores
sunt, qui in eorum gratiam, quibus adulantur, tot
illustrium familiarum odium mereri, quam verum
dicere malunt. Ad hanc hominum inuidiam acces-
sit quoque temporis iniuria: quia, vt etiam Torellius
Saraina testatur, perpauca relictæ sunt nostri gene-
ris monumenta: puto, quod hostes nominis Scaligeri
omnia, quæcunque nancisci potuerunt, gentis argu-
menta

menta, aboleuerint, dum imperij Veronensis fato Scaligeræ stirpis memoriam finiunt. Ea vero pauca Chronica, quibus se adiutum scribit idem Saraina, adeo mendosa erant, & inter se pugnantia, vt in multis coniectura illi opus fuerit. quod tamen ipse non monuisset, tamen res ipsa palam loquitur. Vt in genere non minor illi a nobis habenda sit gratia, quod memoriam maiorum nostrorum, quantum in illo fuit, diligentia sua conseruarit, quam venia danda, quod meliorum Chronicorum fide destitutus, in tam periculosa nauigatione cursum tenere non potuit, & a vero aberrauit. Castigandus tamen, quod metu, an adulatione quædam tacet, quædam adiicit: vt cum Wilelmum Grossum non ex Elisabetha Bauara, sed ex concubina natum scribit, aduersus & receptam antiquitus apud maiores nostros & in Bauaria opinionem, & adeo cōtra veritatem ipsam, & Pauli Æmilij sententiam. Sed hoc additum fabulæ, ne illustrissima Ducum Bauarorum gens vllum ius cognatitium haberet Scaligeros in veterem imperij Veronensis possessionem restituendi. Hinc illæ lacrimæ. Non ferendus etiam, quod in non paucis pueriliter hallucinatur. Vt cum, verbi gratia, Cæsaris Ludouici Bauari vitam ad annum vsque c l o . c c c . l i x . extendit: cum constet ipsum Ludouicum anno c l o . c c c . x l v i i , mense Octobri, veneno a vidua Alberti Austriaci propinato, obiisse. Nisi Sarainæ idem condonandum, quod doctissimo Gaspari Peucero, qui scribit mortuo Galeazzio, Alexandriam, & Papiam a Cane Signorio occupatas

tas fuisse, easque successori Galeazzij restitutas, Cane Signorio in gratiam recepto: qui est manifestus *diu-
xponis iude* vigintiseptem aut amplius annorum. Nam Canis Signorius obiit anno c l o. c c c. l x x v. Galeazzius autem ille anno c l o. c c c c. i i. Sed & non abluunt ab hac absurditate ea, quæ in Epitaphio Bailardini Nogarolæ incisa sunt in Ecclesia Ciani Castelli, in territorio Veronensi, ditionis Nogarolarum illis olim a Scaligeris concessæ. Manifestum enim est epitaphium multis annis post obitum Bailardini conditum fuisse. Imo alij de hoc Bailardino scribunt, eum nomine Alberti & Canis Scaligerorum legatum ad Henricum Cæsarem fuisse, anno c l o. c c c. x x x v. cum Henricus obierit, anno c l o. c c c. x i i i. Tamen Saraina monumentis veteribus destitutus veniam in multis meret. Quod enim multa principum Veronensium præclara facta omiserit, non hominis, sed tēporis culpa est. ut cum tacet, Imperatorem Rupertum cum exercitu Canis Signorij congressum infeliciter in agro Brixiano ad lacum Benacum, turpi fuga sese recepisse. Sed & quid meruit, cum Mastini tertij exitum desperationi similem facit? idem sane quod alij, in quibus Sansouinus, qui cum imperio excidisse dicunt. nisi quarundam ciuitatum amissionem imperij exitum vocant. Igitur iniuria temporis, maleuolentia hostium, imperitia scriptorum, eos cuniculos in generis nostri memoria egerunt, ut de totius nominis Scaligeri ruina metuendum esset, nisi præsto fuisset eloquentissimus vir, & antiquarum originum vindex Paulus

lus Æmilius Veronensis, qui nactus in Norico acta & annales profapiæ nostræ vetustissimos, pingui stilo, vt ipse ait, conceptos, edolauit eos, & Latine loqui docuit. Ex eo libro parens meus ea excerpfit, quæ ad nostri generis claritatem præcipue pertinere visa sunt. Cætera per otium describere non licuit. Quod vtinam fecisset, & nobis edendi laborem reliquisset. Postquam igitur Paulus Æmilius multa de splendore & vetustate gentis Scaligeræ disceruit, deducta generis serie ad Alanum Scaligerum, Carniolæ, & Tirolij, atque montanorum Feltriæ, totiusque reliqui tractus in alpini principem: docet, quomodo Attila Hunnorum Rex in Italiam per Carniolæ montes irrumpens ab Alano armis depulsus, & in partes Alcini summotus est. Quo tempore accolæ Venetici sinus ingruentem tempestatem prospicientes, relictis oræ maritimæ auitis sedibus, in proximas insulas Adrianorum stagnorum sese receperunt. Id fuit initium magnificæ ciuitatis Veneriarum, quæ male gratiam posteritati Alani retulit; quam a multis iam annis capite, & fortunis oppugnat. Quemadmodum vicinia maris Venetis, ita vallis Polyzela, siue Pulicella, & Anania perfugium Veronensibus fuerunt, cum Attila non solum agrum Veronensem ad vastitatem depopulatus esset, sed & ipsam Veronam funditus euertisset. Qua clade ita perfugarum ciuium animi deiecti sunt, vt patriam iacentem flere potius, quam de ea excitanda cogitare parati essent: donec Alanus eos ex vallibus, in quas perfugerant, conuocatos ad meliorem spem

B

erexit,

erexit, & repetendæ patriæ simul, atque instaurandæ auctor fuit. Quod cum bene cessisset, eo nomine omnium Veronensium suffragiis princeps renunciatus est. Ita duæ nobilissimæ vrbes, Venetiæ & Verona vni Alano Scaligero debent, altera quidem, quod nata, altera autem, quod renata est. Quod autem pater meus in oratione funebri Theodorico attribuit, quod de Alano dicendum erat, humanitus *ἡμνηστικῶς* peccatum est. Alani ex Theodoro Theodericus nepos iis rebus gestis fuit, eaque virtutis gloria, vt hodie vernaculis Germanorum carminibus & prouerbiis celebris sit. Quem Veronensem ideo vocant, quod præcipuam sedem in ea vrbe, cuius instaurandæ auus Alanus auctor fuerat, elegeret. Sed ante omnia Veronensis agri loca Sirmionem peninsulam amauit, quam etiam regio palatio, cuius hodieque extant vestigia, exornauit. Ab hoc Theoderico propagati sunt ij, qui vallem Polyzeliam, siue Pulicellam, Sirmionem, & alios tractus agri Veronensis aliquot sæculis ante imperij Veronensis incunabula possederunt. Nam & Torellius ipse fatetur, Veronæ potentissimam opulētissimamque antiquitus gentem Scaligeram fuisse. Quin & hodie in agro Veronensi pagus Scaligerorum nomen retinet, quod vtique ante sexcentos annos habet. Præcipue autem idem Torellius scribit antiquissimum Scaligerorum patrimoniū fuisse, Sirmionem, & vallem Pulicellam iam ante annum Christi millesimum: vt non solum vappa ille, qui Mastinum secundum generis auctorem & scalarum fabrum, hoc

hoc est Scalarium, non Scalanum, facit, ridiculus sit, sed etiam omnes, qui in odium tam claræ stirpis illum testem adducunt, & malunt ludibrium debere, quam tacere. Theoderici posteritas tum in agro Veronensi & ipsa vrbe radices egit, tum in Bauariam, Illyrium, Dalmatiam, & Pannoniâ late diffusa est. Nam progenitus Alani posteris Quiricius Scaliger Salonarum in Dalmatia fuit Dynastes: cui cum filius Mundus in imperio successisset, Gotti ea tempestate, excusso Hunnorum, quibus diu vestigales fuerant, iugo, & multis deinceps victoriis feroces, vicinas vrbes bello laceessere cæperunt. quibus Salonas obsidentibus Mauricius Mundi filius prælio temere cum illis commisso, interfectus est. Pater Mundus euocato ex proximis præsidiis Alarico nepote suo ex Abellia minima filiarum, & Antenore Scaligero gentili suo, Gottos magna clade prostrauit, urbemque Salonas obsidione liberauit. In Bauaria autem Alani posteritas longe lateque creuit. Nam in ea Nicolaus Scaliger cognomento Fortis Agnete ? Zelij Póloniæ Ducis, aut principis, sorore & Olao genitus, Desiderij Longobardorum Regis exercitum ad Adriam fudit. Huius filius Albertus (alii dicunt nepotē ex Benedicto maiore) varia fortuna cū Taxilione Boiariæ, siue Bauariæ Regulo tantisper cōsfixit, donec Carolus Magnus Taxilione deuicto, Albertū præmiis virtutis donauit, adiecto ditioni eius Bulzano: multisq. præterea donis & priuilegiis affecit, quæ nepotibus Alberti per Berēgarium Italix tyrannum adempta Otho Cæsar primus Eme-

ro Scaligero cum cumulo restituit, data ei in matrimonium siue filia, siue propinqua Emetilde. Qua mortua Emerus ex Balda Petri Hungariæ Regis sorore Trebellium: hic ex Zolomeri Dalmatarum Regis filia Casimirum: Casimirus Ansaldum, & Othonem: Othone mature rebus humanis exempto, Ansaldus Christophorum, Clementem, Georgium, Marmum genuit. Christophori filius Ansaldus Nicolaum Fortem secundum; hic ex Iohanna Sueua Friderici Cæsaris Barbarussæ propinqua Albericum suscepit. de cuius fortitudine mira scribit Paulus Æmilius. Alberto autem alij progenitum Erbonem primum scribunt, & Hardwicum comitem a Burkhaussen. Certissimum enim est, Comitibus a Burkhaussen ex Trebellij posteritate esse. Erbo in venatu a bisonte interfectus fuit. Hardwico nati sunt Erbo secundus Burggravius Ratisponensis, & Carriinum, siue Carriniorum Dynasta, præfectus prætorio Boiariæ, princeps maximæ auctoritatis, fortitudinis, & prudentiæ: item Boto posthumus cognomine Fortis: de quibus extat luculentum Elogium apud Abbatem Vspersensem. Erbonis filius Sichardus primus ex Sophia Henrici ducis Charriniani vidua Burchardum Regulum Burkhaussen, Sighardum secundum, Henricum primum: Henricus primus ex vxore Itha Henricum secundum, Gebhardum primum habuit. Henrici secundi filij fuerunt Henricus tertius, Gebhardus secundus. Gebhardi primi filius Gebhardus tertius, Comes siue Regulus Burkhaussen, & Machlandiæ: vxor Sophia. Henricus & Gebhar-

Gebhardus Gebhardi tertij patruclis in agrum Veronensem ad gentiles suos sese contulerunt. Atque adeo ex hac Burckhaussensium familia Æmilius, & Wolfgangus Scaligeros principes Veronenses deducunt. Qui enim familiam ducebant in Veronensibus Scaligeris, ij Comites Scalenburgi vocabantur. Iidem autem antiquitus Comites Scalenburgi, qui & Burkhaussen, fuerunt: & Mastinus primus Comes a Scalenburgo dictus fuit. Hinc etiam Comites de Lika, ex quibus prognati sunt Philippus & Bartholomæus Scaligeri, qui pulsum regno a Tartaris Regem Hungariæ Belam virtute sua in integrum restituerunt: ac propterea a Rege Bela Castro Zkrad in Croatia, regione Hun in Hungaria donati sunt, ac insuper Commilitones Regis vocati, qui sunt tanquam Palatini Regni. Addita præterea a Rege veteribus insignibus Scaligerorum parerga, Cornua ceruina, signacula Solis, & Lunæ: quemadmodum Carolus Magnus parerga insignibus priscis Scaligeræ gentis adiecit Alberto Nicolai Fortis primi filio, ob rem in Taxilionem fortiter gestam. Ea parerga etiam ætate sua extitisse Veronæ scribit Paulus Æmilius, quæcunque illa fuerint. Nam in genere prisca omnium familiarum Scaligeræ stirpis insignia sunt aut Scala singularis, aut Canes vtrinque Scalæ innitentes. qualia insignia præferunt hodie Comites de Scala in Bauaria: in quibus adhuc, ut puto, viuit Ioannes Warmundus illustribus Comitibus a Burkhaussen antiquitus oriundus. Eadem insignia hodie exstant in arcibus regionis Hun in Hungaria, vbi fuit

sedes præcipua illustrissimæ gentis Hunniadum ex posteris Philippi & Bartholomæi Scaligerorum de Lika: ex quibus Iohannes Hunniades, eiusque filius Matthias cognomine Coruinus alter Hungariæ fuit tutamen, alter etiam Rex, imo Rex Regum illius æui summus: quod nemo negauerit. Neque alia insignia fuerunt Regum Bosniæ, quorum vltimum & septimum Stephanum dolo Mahometes secundus circumuentum viuum excoriauit, imposito nouo rege Isacio, homine plebeio. Sed inclitus Matthias Coruinus regnum gētilium suorum auitum a Baiazethæ Mahometis filio virtute belli extorsit. Denique principum Veronensium progenitores eadem habuerunt insignia: donec in eam familiam Alboinus & Canis Magnus Aquilam imperij cum Scala primum ab Henrico septimo, deinde a Ludouico Bauaro acceptam nobis reliquerunt. Insignia enim, quæ ego, & maiores mei ab ipso vsque Cane Magno accepimus, sunt eadem plane, quæ Imperij, vno excepto, quod Scala cum quinque gradibus, inferne, quam superne, latior, alitis pedibus subiecta est. Spatium enim aureum, Aquila biceps nigra, Scala rubra. Cuius Aquilæ & Canis Scaligeri cum meminerit Dantes, Velutellus, qui Commentarium in illum poetam scripsit, ridicula blaterat de Scala cærulea, & campo nescio quo. Non enim memini. Nam semper Scala nostræ gentis tam in Hungaria, quam in Norico, Bauaria, agro Veronensi, in ipsa vrbe Verona, rubra fuit, & canes rubri: spatium aureum. Quicunque igitur hodie Scalam cum Canibus

nibus præferunt, scito eos non a Principibus Veronensibus, sed Principes Veronenses ab illis oriundos. Qui autem imperij Aquilam cum Scala rubra gerat hodie, nemo superest præter me, postquam summo Iudici ita placuit, propter maiorum meorum commeritam culpam, quam in me etiam persequitur. quanquam, quod in magna eius misericordix parte deputo, noluit me fratricidis prognatum esse: quorum posteritas Antonius Canis Signorij filius, & Silius eiusdē ex Antonio nepos Aquilam imperij cum Scala rubra gestarunt. Porro historici variant in nostro cognomine, a quibus nullo delectu dicimur Scaligeri, Scaliferi, Scalæ, Scalani, Scaliski, Scalikij. Nam & Otho secundus Comes Scalæ memoratur, qui monasterium monialium in Erla, haud procul Laureaco extruxit, anno c. l. v. cc. lxxxv. Commemoratur præterea Comes Scalæ & Beilstein Conradus ab Octocaro Marchione Stirix, in privilegiis S. Lamberti in Stiria, quod cœnobium constructum fuit anno c. l. v. c. lxx. Quin Bernardinus Scardeonius nos vocat Scalas, & Mastinum Scalam dicit, loquens de Mastino tertio. Multos commemorat Scaligeros Æmilius, antequam ad Mastinum primum Comitem Scalenburgi deueniat, patrem Mastini secundi, qui primus Dictator populi Veronensis perpetuus creatus est, quem & auctorem nobilitatis Scaligeræ, & Scalarum antea fabrum impudentissime nugantur hostes virtutis maiorum nostrorum, quam cum insectantur, ipsam quoque virtutem insectantur. Eccelinus Romanus iniusta domi-

dominatione Veronam iam tricesimum tertium annum premens, postquam inhumanis & atrocibus factis suis omnium mortalium odium meruisset, potentiam Scaligerorū suspectam habere cœpit. Quare Bonifatium ac Fridericū Scaligeros fratres, viros antiqua nobilitate, & summis opibus, vt scribit Saraina, coniurationis insimulatos cū alijs vrbis proceribus exquisitis supplicijs excruciatos necauit. Quod cum scribit Saraina, non tēperat sibi, quin hūc atrocem casum miserans obiter de vetustate, potentia, opibus, dignitate, & gratia Scaligerorum Veronensium magnifice prædicet: quos & tunc, & ducentis ante tyrannidem Eccelini annis primas in vrbe obtinuisse scribit. Eant ergo Scalarij fabri, & alieni imperij infessoribus caudam iactent. Sed quid non potest historicorum factio? Saraina de Eccelino loquens nouum hominem vocat, gregario milite Teutone ortum, qui ex minutissima arce, quam in agro Taruisiano possederat, ad hoc regium culmen progressus fecisset. Aut igitur ipse, aut Sansouinus, qui eius originem vetustissimam & nobilissimam prodit, parum cauisse videntur. Si Eccelinus hominum odium, fraterculus Gigantum, cum historico libuit, omnes illustres familias nobilitate prouocat, non mirum, si nos ex iustissimo sceptro, & antiquissimo solio ad fabriles officinas, tanquam ad metalla damnat. Quin Saraina in Eccelino & eius fratre Alberico incepisse & desuisse nobilitatem eorum dicit, aliter ac scribit Sansouinus. Mortuo igitur Eccelino, Mastinus Mastini Comitjs Scalenburgi filius, cuius

cius Veronensis, primum Prætor, deinde interiecto biennio, Dictator creatur perpetuus, cuius imperium, ut & totius posteritatis, moderatissimum, & iustissimum fuit. Quominus audiendus erit Gaspar Peucer, vir doctissimus, qui sub Rodolpho Imperatore Scaligeros iniustos Veronæ infessores fuisse scribit, perinde ac Malatestas Arimini, Carrarios Patavij. Cuius sententiæ eum pœniteret, si sciret Alberto Mastini secundi fratri imperium Veronense ultro a populo delatum fuisse, ut cõstat ex Plebiscito Veronensi. Quid vocat iure imperare, nisi populo volenti & cogenti, imperare? Ecquod iustius imperium fuit, quam Alberti primi, Alboini, Canis Magni, Mastini tertij, imo & Canis Signorij Fratricidæ? cuius si virtutes, ut fratricidium excipias, considerentur, nullus eorum temporum princeps iustitia eum & moderatione, prudentia, & virtute bellica non dicam vicit, sed ne æquavit quidem. Mastino principe iustissimo inimicorum factione interfecto, susceptus in eius locum frater Albertus primus summa cum laude iustitiæ & belli gloria Veronæ imperavit. Huius filij, Bartholomæus quidem Constantiam filiam Principis Antiochiæ, Ducis Apuliæ, & hac mortua, Honestam filiam Comitis Sabaudia uxorem duxit. Sine liberis decessit: Alboinus autẽ ex Catharina Massæi Vicecomitis Mediolanensis filia Albertum secundum, Mastinum tertium genuit. Ex posteriore vero uxore Gilberti Corregiani Comitis filia nullos liberos suscepit. Cani quoque Magno ex Iohanna Antiochiæ Ducis filia, Constantiæ, quæ

Bartholomæo nups erat, sorore, nulli liberi fuerunt. Constantiam filiarum Alberti maiorē vxorem duxit Obizzo secundus Estensis Marchio Ferrariæ, mortua priore vxore Iacoba de Fiesco. minor Catharina nupsit Nicolao de Fuggiano, vel Foliano, Regij Lepidi Regulo, & postea, eo de viuis sublato, Comiti Bailardino Nogarolæ. Mortuo Alberto successit in imperiū maximus natus Bartholomæus, qui nō multo post initum imperiū decessit. Huic succedens Alboinus frater, adscito in societate imperij Cane Magno, Vicarius imperij ab Henrico vii. declaratus est, procurante legato eorū Comite Bailardino Nogarola, Alboini affine. Adiectū beneficio, vt Dynastia Veronensis esset hereditaria, & Principum Veronensium posteritas Aquilam imperij in quadrante scuti præferrent. Sed Canis Magnus, cum eadem a Cæsare Ludouico Bauaro idem priuilegium confirmatum esset, totum scutum Aquila occupauit, subiecta Alitis pedibus Scala: quæ insignia ab eo per posteros Dynastarum Veronensium ad patrem meum perpetuata & a Maximiliano Cæsare tertium confirmata in me resederunt vnico eius lineæ superstite. Alboino iustissimo & optimo principe vita functo, Canis Magnus filium fratris maiorem natu Albertum secundum sibi socium imperij teste populo adiunxit. Quæ res non solum Veronensibus gratissima fuit, propter memoriam Alboini patris, sed summam æquitatis & moderationis opinionem Cani conciliauit. Et sane Canis talis fuit, qualem decebat esse eum, cui Magno appellari contigit, tam propter iustitiæ

stitia, quam gestarum rerum gloriam, quod e Sarai-
 na cognoscere licet. Anno trigesimo septimo ætatis
 sine liberis decessit, vir cum summis præsci sæculi
 Heroibus comparandus; cuius vitæ biennium tan-
 tum defuisse ad totius Longobardiæ regnum conse-
 quendum scribit Paulus Iouius. Nomen illi fuerat
 Francisco, a sacro lauacro, Cani a gentilitate, Magno
 a merito rerum gestarum. Neque enim Canis ab
 illo latrati animali dictus est, vt recte monet Iouius,
 sed quod lingua Windorum, vnde principes Ve-
 ronenses oriundos vult, Cahan idem est, quod lin-
 gua Seruiana Cral, id est rex, aut princeps. Nam in
 gente nostra multi fuerunt Canes, Mastini, Visulphi,
 Guelphi, Cani patruo succedens Albertus secundus
 Alboini filius, more maiorum, fratrem suum natu
 minorem, Mastinum, tertium in societatem imperij
 adhibuit. Mastinus ex priore vxore Thaddea Pa-
 tauij Domina Iacobi Patauini Dynastæ filia liberos
 habuit, Bartholomæum Canem ab asperitate mo-
 rum Rabidum, Canem Signorium, ob fratricidia
 Facinus vocatum, Paulum Alboinū, Viridem, Alta-
 lunam. Ex posteriore vxore Margareta a Sitzenoffen
 suscepit Beatricem ob formæ & morum præstan-
 tiam Reginam cognominatam. Omnes historici
 Beatricis matrem Thaddeam Patauinam ponunt,
 sed Paulus Æmilius Margaretā a Sitzenoffen nomi-
 nat, quam, Thaddea mortua, vxorem duxerit Masti-
 nus. Bartholomæo Cani pene puero nupsit Elisabe-
 rha Cæsaris Ludouici Bauari filia, ex Margareta Hol-
 landiæ Comite. Nam Ludouicus Cæsar ex priore

coniuge Beatrice Polonica suscepit Stephanum cognomento fibulatum Comitem Landshut, & Ludouicum Marchionem Brandenburgensem: ex posteriore coniuge Margaretha Hollandiæ & Hannoniæ Comite habuit Wilelmum cognomine Insanum, Albertum Comitem Hollandiæ & Straubingen, Ludouicum Romanum, siue Romulum Comitem Tirolij, Othonem Marchionem Brandemburgensem, Agnetem, quæ dicata est monasterio, Elisabetham, quæ primum Bartholomæo Cani Scaligero, deinde eo interfecto, Comiti Wirtenbergensi nupsit. Sed & tunc mutua affinitate firmius vinculum sanguinem Bauarum Scaligero coniunxit. Nam eodem tempore Cæsar Bauarus filiam suam Elisabetham Bartholomæo Cani Mastini filio: Mastinus vero sororem suam Altalunam Ludouico Romulo Cæsaris filio desponsarunt. Cani Signorio Facinori nupsit Agnes Ducis Dyrrachini filia. alij dicunt filiam Comitis de Artois. Ego puto duas duxisse, hancque posteriorem vxorem fuisse. Paulus Alboinus vxorem duxerit, necne, non comperi. Viridem duxit Nicolaus primus Estensis, cognomine Claudus, Marchio Ferrariæ: Beatricem vero Barnabas Mediolani Vicecomes. Huius præstantissimæ Heroïnæ lectissimas animi & corporis dotes, & numerosam prolem, & regiâs a filiabus affinitates satis restantur omnes, qui illorum temporum res descripserunt. Ecquænam heroïna aut ex veteribus, aut ex recentioribus illi comparari possit? Imperauit Mastinus III annos XXII. Hic primus imperium au-
tum

tum imminuit amissis multis urbibus, quæ Scaligerorum ditioni ab Alboino, Cane Magno, Alberto accesserant. Nam ineptum est, quod scribit Sansonius, eum imperium amisisse. Primus etiam Principum Scaligerorum gentilitiæ iustitiæ gloriam inuisitata maioribus suis perfidia contaminauit. Nam ut Brixia potiretur, Gibellinorum partes, quas maiores eius, etiam ipse, sequuti hactenus fuerant, per speciem auxilij in urbem introinittendi prodidit, & Gibellinos populares factionis suæ crudeliter trucidari passus est, persuasus versibus Euripidis ex Phœnissis, quos illi subinde inculcabat Iacobus Carrara socer, homo contaminatissimus, ut eius iuuenilem animum imperij cupiditate ardentem inflammaret. Ita imperium truncum, & quod amplius est, iam piaculo violatæ fidei obligatum filio Bartholomæo Cani Rabido reliquit. Hic ita, ut superius attigimus, a morositate cognominatus filium unicum ex Elisabethâ Bauara Wilhelmu nomine, Grossum cognomine genuit. Nam Thebaldeus erat naturalis ex muliere nobili Veronensi. Qui Wilhelmu ex eadem concubina natum scribunt, scenum esse debent, cum eos & Æmilius & veritas ipsa satis confitentur. Cane Rabido primum, deinde & Alboino fratribus interfectis, solus imperio potitus est Canis Signorius, Princeps maioribus non indignus, si fratricidia excipias. Nam artibus belli & pacis claruit. Cui successerunt ultimi, & iidem infelicissimi domini, Bartholomæus & Antonius naturales filij, primum quidem ambo simul, deinde solus Anto-

nius, interfecto, ne a patre degeneraret, fratre Bartholomæo. Cuius scelestis poenas luit eiectus imperio a Galeazzo Mediolani Duce & Comite de Vertu. Hic fuit exitus imperij Veronensis. Cane Rabido interfecto Elisabetha, vxor, a conspectu fratricida se se & filiolum Wilhelmu[m] amolita est, & in Bauariam confugit, & postea Comiti Wirtenbergenfi nupsit. Hic Grossus a mole corporis dictus, ex Bona Sterlinij Ducis filia tres liberos suscepit, Brunorum cognomine Bauarium, Antonium, Nicolaum cognomine Pium. Cum Nouellus Carrara Francisci filius, patre capto Galeazzo, in Bauariam venisset, inita cum Wilhelmo familiaritate, cepit, eum ad spe[m] imperij Veronensis recuperandi erigere. Verique enim idem hostis communis erat Galeazzus, qui Veronam, & Parauitum vi adeptus erat. Itaque anno d[omi]ni. m. cccc, qui erat quadragesimus secundus a Canis rabidi cæde, Wilhelmus cum Carrara Venetias profectus, & paulo post Venetam nobilitatem consecutus, op[er]e & armis Venetorum ac Carraræ, sed præcipue Pandulfi Malatestæ, Veronam, quæ tum a modico Galeazzi præsidio tenebatur, introductus est vna cum Antonio & Brunoro filiis. Nam minimum nati Nicolaum ob teneram ætatem in Bauaria apud matrem reliquerat. Per portam itaque Aureliam Martij campi ingressus vii Eid. Aprilis, ac postea xii Kal. Mai, Senatus populique suffragiis summo plausu Princeps renunciatus, & in forum paternum repositus est. Præsidium Mediolanense casu hoc repentin[um] exterritum, accepta fide

Verona

Verona excessit. Hæc Wilelmi restitutio Venetis volentibus fuit, quod ipsis potentia Galeazzi formidabilis esset: & præterea multi ex nobilitate Veronensi odio Mediolanensium, & amore nominis Scaligeri, facile passi sunt legitimum dominum in sua recipi, & externum excludi. Hoc accidit anno clo. cccc. xi, cum interea in expeditione Etrusca Galeazzus morbo extinguitur. Carrara obiectam sibi occasionem credens imperium suum proferendi (opibus enim Venetorum Patauium receperat) Galeazzi metu defunctus, Wilelmum familiaritate sibi coniunctissimum, quem ipse armis & consilio suo in imperium restituerat, veneno per emissarios sustulit: atque, vt securitati sceleris viam muniret, Antonium & Brunorum Wilelmi filios biennium in arce veteri Patauina detinuit: quos inde Iacobinus Carrara in montem Celisium translatos laqueo strangulandos curauit. Huc vsque historiam generis nostri ab Alano deduxit disertissimus Paulus Æmilius. Sed Onufrius Panuinius Veronensis Eremita Augustinianus, vt ipsemet olim mihi Romæ coram Mureto in Palatio montis Iordani testatus est, libros decem Annalium Veronensium conscripsit, quorum duo postremi Scaligerorum Principum actis dicati erant: & multa à Torellio ignorata sese tanquam fugitiua retraxisse, multa etiam ab illo peccata restituisse & rerum seriem ad Patrem vsque meum continuasse mihi & Mureto affirmavit. Sed mors & hominem nobis & editionem operis intercepit. Wilelmo sublato, Veneti, qui Carraræ antea infensi erant, per causam

sam vlciscendæ cædis Wilelmi ciuis sui & in nobilitatem suam insiti, Carrara Patauij obfesso, & ad deditionem compulso atque mox interfecto, non solum Carrarensum, sed etiam Scaligerorum imperium inuaserunt. Brunorus Bauarus Wilelmi Grossi filius ex Philippa Amedæi Sabaudi filia Iohannem procreauit. Huius filius Iohannes ex Helena Closmeria Bauara, ex vxore sua Bauara de Lemingen suscepit Iohannem Ingolstadij Castellatum, cuius vxor fuit Maria Frigepanis: item Bernardum Scardingæ Castellatum. Huius filij Ludouicus & Christophorus ad vicum Ceresoliam in Liguribus Taurinis fortiter pugnantes interfecti sunt. Antonius Wilelmi filius Brunori frater vxorem non duxit. Nicolaus cognomento Pius minimus natorum Wilelmi Grossi ex Bartholomæa Austriaca veteris Lupoldi Ducis pronepti, Cæsaris Maximiliani propinqua, Benedictum, Bonifatium, Hieronymum, Titum, Franciscum suscepit. Francisci filius Marcus Rufinus a colore vultus cognominatus, tres filios genuit, quorum Mauritius & Iulius cum patre & matre a Martolossa sicario, iussu Venetorum, Mantuæ confossi sunt. Tertij, propter infantiam & oris elegantiam, misertum est. Eum Corcyra insula relegatum diu vixisse aiunt. Martolossæ pacta merces latrocinij a Venetis soluta est. Cuius rei, præter infinitos, duo nobilissimi Aquitanix nostræ procures Gotefridus Caumontius & N. Golardus Brassaci dominus testes fuerunt. Hieronymus, Titus, & Franciscus Nicolai Pij filij ad Euripum Eubææ bello

Turcico

Turcico fortiter pugnantes interfecti sunt. Bonifatio vxor fuit Magdalena imperatoris Constantini vltimi neptis, ex Theodoro Palæologo, & Iohanna Petri regis Siciliæ filia. Filij Michael & Camilla. Benedictus maximus natu filiorum Nicolai Pij ex Berenica Lodronia Comitissæ Paridis Magni Lodronij filia suscepit Titum, & Iulium Cæsarem. Hactenus seriem generis nostri a tēporibus Attilæ & Merouæi Francorum Regis ad annum Clō. cccc.lxxxiiii, in quem incidit natalis patris mei, continuauimus: quum Paulus Æmilius ab eodem initio exorsus in Wilelmo Grosso desuerit, tanto vtiq. certius, quam Germani historici, quanto illi antiquius, quam Itali, qui diuturnitatem generis nostri & defectum pene finibus imperij Veronensis circumscribunt. Germani, vt Auentinus, Vſpergensis, Wolfgangus, & alij passim de nostra gente ea cōmemorant, quibuscum initia imperij Veronensis comparata noua videantur. Et sane genus nostrum multis regnis, Dynastiis, & ciuitatibus amplissimis aut æquale, aut antiquius est. Nam Alanus Thedori pater, Theoderici auus floruit rebus gestis nascente in Galliis Merouingorum imperio. Olaus Nicolai Fortis pater, Alberti filius, vixit eodem imperio deficiente. Trebellius Emeti filius, Casimiri pater, Ansaldi auus, Christophori proauus, Nicolai Fortis secundi abauus, Alberici atauus, sub Othone primo, & Petro Hungarorum Rege. Albericus Nicolai secundi filius cum aliis multis gentilibus suis sub Imperatore Friderico Barbarussa. Canis Magnus sub Imperatore Ludouico Bauaro

co Bauaro. Philippus & Bartholomæus auctores gentis Hunniadum sub Bela primo Hungaro. Quod si claritatem affinitatum spectes, quid est augustinus, quam aut Reges progignere, aut regio genere nasci? Alani & Theoderici potestas si non fuit regia, quid igitur est tot gentibus imperare? Vltimus Scaligerorum Hunniadum Matthias cognomento Corvinus non solum Rex Hungariæ fuit, sed etiam regum sui æui felicissimus, potentissimus, & iustissimus. Stephanus Regum Bosniæ vltimus septimus gentis nostræ sceptrum tenuit. Beatricis Scaligeræ cognomento Reginæ tres filiæ totidem Regibus nupsērunt, & reges ex se procrearunt. Nicolaus Fortis primus Olai filius ex Agnete Zelij Polonorum principis: Trebellius Emeri filius ex Balda Petri Hungariæ regis sorore nati sunt: Trebellij filius Casimirus ex Zolomeri Dalmatiæ Regis, Wilelmus Grossus abauus meus ex Elizabetha imperatoris Ludouici filia. Albericus Nicolai secundi filius ex Iohanna Sueua Imperatoris Friderici, Benedictus auus meus ex Bartholomea Austriaca Imperatoris Maximiliani propinqua. Ego sum septimus ab Imperatore Ludouico, & illustrissima Hollandiæ Comite Margareta: septimus item a Mastino tertio, vt & magnus Rex Franciscus, literarum parens. Nam Catharina Beatricis Reginæ filia, Mastini neptis ex patruele suo Iohanne Galeazzio Valentinam: Valentina ex Ludouico duce Aurelianensi Iohannem Comitem Aurelianensem, Caroli Comitis Enculismensis patrem, Francisci Magni Regis auum suscepit. Illustrissima
& vetu-

& vetustissima Estensium Ferrariæ Marchionum familia duplici nobiscum affinitatis vinculo coniuncta est, Constantia primum Alberti Scaligeri primi filia Obizzoni Estensi primo nupta, deinde Viridi Mastini tertij filia Nicolao primo cognomine Claudio. Alfonsus Estensis primus Dux Ferrariæ, princeps nunquam satis laudatus, sextus erat ab Alberto Scaligero primo, utpote Obizzonis, & Catharinæ Alberti filiæ abnepos. Neque illo minor virtute Federicus Gonzaga, primus & ipse Dux Mantuæ, octauus erat à Mastino tertio, Agnete Beatricis filia Mastini nepte vxore ducta à Francisco Gonzaga Federici Ducis primi atauo. Quid commemorem singularia gentis nostræ erga Reges, Respublicas, & potentissimas ciuitates merita? Alanus Veronam solo ab Attila æquatam a fundamentis vsque tanquam alter Brennus instaurauit. Mundus Quiricij, & Alaricus Antenoris Scaligerorum filij Salonas a Gortis obsesas liberarunt, clarissimo ex hostibus triumpho parato. Nicolaus Fortis primus a populationibus Desiderij Langobardorum Regis omnem agrum circumpadanum vindicauit, fuso late ipsius Desiderij exercitu. Marchiones inclitos Ferrariæ quemadmodum duplex affinitatis vinculum, ita duplex a nobis beneficium deuinxit: primum quidem, quando Bartholomæus Alberti primi filius Ferrariæ Azzonem & Franciscum Estenses restituit, legato Pontificio, eiusque præsidio inde excusso. Iterum, cum Mastinus tertius copias Bertrandi Cardinalis Hostiensis legati Pontificij, qui Ferrariam ciectis Estensibus in-

uaferat, magna clade vicisset, captiuo Comite illustrissimo Arminiaco abducto. Quo facto victor, magno bello profligato, Eltenses in auitū imperium reposuit. Philippus & Bartholomæus Belam Regem Hungariæ, victis, a quibus Rex eiectus fuerat, Tartaris, & regno restituerunt, & in posterum a metu hostium tutum præstiterūt. Albertus secundus hostem Scaligerorum Passarinū Bonaconsium Mantuæ Dynastam, Palatio, in quod tyrannus cum liberis se receperat, expugnato, interfecit, & Guidoni Gonzagæ homini strenuo, acerrimo, ac prisæ nobilitatis, cui quidem Mantuano, sed ex Germania oriundo, Canis autē magni amico, viam ad imperium Mantuæ obtinendum muniuit: adeo vt postero die Guido suffragiis populi Mantuæ dominus, eiusq. filij Philippinus & Feltrinus heredes patris in imperio renūciati sint. Hoc, inquit Saraina, initium fuit imperij Gonzagarum, quod a Scaligeris deinceps semper & forum est, & animatum, atq. adeo illud propter gētis pietatem Deus hætenus conseruauit, quemadmodum Scaligerorum dynastiam propter fratricidia extinxit. Hæc vere quidem Saraina: sed non prudēter tamen. Nam & Guido Gonzaga secundus Ludouici filius, Guidonis primi nepos fratrem Vbaldinum ex amulatione interfecit, quod a patre Guidone consors imperij adscitus esset. Quamuis Gonzagarum familia hætenus Mantuæ feliciter rerum potita sit, & multos egregios principes produxerit: tamen fraticidas non solum genuit, sed & ad imperium euexit. Quod si propter fratricidium, quod facile concedam, Deus iustissi-

iustissimus iudex Scaligeros imperio euertit, mirum
 cur tot illustrissimi Gonzagæ rerum potiti a fratri-
 dis originem trahunt. Sed hæc occulta sunt, & velo
 diuinæ prouidentiae a nobis sumimora. Nam Cane
 Signorio duorum fratrum carnifice quis iustior, mo-
 deratior, continentior, populo acceptior fuit? Sed ad
 merita gentis nostræ redeo. Mantuæ a Cane captæ
 mētio extat in eius Epitaphio. Auus meus Benedictus,
 qui summæ rei militari sub rege Matthia gentili suo
 x v i i. annos præfuit, iussu Regis, equitibus Rho-
 diis supperias venit, iam propter apparatus expedi-
 tionis Turcicæ obsidionem expectantibus: & solus
 ne tunc Rhodus obsideretur, caussa fuit. & sane a
 Rhodo tam potentis exercitus obsidionem auertere,
 est Rhodum a tam potenti exercitu obsessam libera-
 re. Quid referam potentiam, & latissimam imperij
 Veronensis ditionem? Albertus primus Parmam
 Rubriis, Regium Lepidi Sanguinariis deditibus,
 obtinuit. Adiunxit imperio partim vi, partim spon-
 te Atellæ, Vicetianæ, Feltriam, Bellunum. Canis
 Magnus Montem Celisū, Montanianam, Patavium,
 Tarvisum: Mastinus tertius Brixiam, quamquam
 malis artibus, Parmam, ciecito Iohannis Bohemiæ
 Regis præsidio, Lucam, Opitergium. Quarum om-
 nium Urbium vicarij imperiales declarati sunt pri-
 mum a Cæsaribus, deinde a Benedicto Pont. Max.
 qui interregno Cæsareo eos earundem ciuitatum vi-
 carios imperiales Ecclesiæ nomine pronunciauit:
 cuius rei monumentum habemus æreum Scaligero-
 rum numinum, ex altera parte Scala singulari, ex

altera Clauibus sedis Romanæ insignitum. Hæc igitur tanta vetustas generis, tot principum affinitas, tot domi militiæque erga Reges, Respublicas & ciuitates benefacta, si laudationem ab hominibus exprimere nequiuissent, saltem vituperium & contumeliam a se deprecari debuerunt. Sed nunquam efficiet inuidia, quin nos a veritate rei tantum possimus, quantum alij a gratia scriptorum consecuti sunt. *τοιαύτης ὕψους τι καὶ αἰματος δόχμῳ ἔχ.* Ab Alano igitur Scaligero ad Iulium Cæsarem Benedicti filium, patrem meum, anni sunt non minus clo. c. xxx. Iulius autem Cæsar natus est anno clo. cccc. lxxxiiii. A. d: ix. Kal. Mai. feria sexta, annis octaginta post Wilelmi Grossi, sex autem ante Matthiæ Hungarorum Regis mortem, in Castro Ripa ad caput Benaci, qui locus fuerat hætenus ditionis Scaligerorum. Iam Scaligeri magno odio Venetorum flagrabant, ex quo tempore Martinus Papa Brunorum Scaligerum de posteritate Antonij vltimi Veronensium Principis in Venetos concitarat. Deinde Nicolaus Pius, eiusque filius Benedictus Scaligeri apud Matthiam Regem Hungariæ, & Cæsarem Fridericum tertium sæpius egerant, vt auito imperio restituerentur. Veneti ergo, qui putabant, quamdiu vllus ex gente nostra superesset, noui belli semina nunquam defutura, præsertim cum Benedictus apud Cæsarem, & regem Hungariæ potentissimum plurimum gratia valeret, nihil prius habuerunt, quam eos, quos securitati suæ imminere arbitrabantur, de medio tollere. Biduo post, hoc est, ante diem vii Kal. Mai,

Ripam

Ripam castrum inuadunt, vt & nouam puerperam Berenicam Lodroniam, & filios, Titum quidem bimulum, Iulium autem adhuc de matre rubentem tollerent. Ad consternationem rusticorum, qui propter repentinum hostis aduentum cara sua ex propinquis villis in arcem conuasauerant, excita puerpera, salutem fuga sibi, & filiis peperit, atque ad patrem Paridem cognomento Magnum, Comitum Lodronij profugit. Hostes arce potiuntur. Hanc vltimam de naufragio Scaligeræ domus tabulam rapuerunt Veneti. Puer in agris auitis educus vna cum Tito fratre prima literarum & Grammaticæ elemēta didicit præceptore Iohanne Iucundo Veronensi, cliente familiæ nostræ, homine doctissimo & probissimo, qui postea ad monachos Franciscanos transit. Annorum duodecim minor Maximiliano Cæsari à patre Benedicto oblatus, in numero illustrium puerorum aulicorum, quos in Gallia pueros honoratos vocamus, habitus, & vna cum illis in liberalibus & animi studiis & corporis experimentis eruditus est, cum illis Latine loqui, arma tractare, equitare, & ludicra pugnae simulacra ciere. Si dixerò Imperatorem Maximilianum omnibus æui sui & superioris memoriæ principibus heroicis virtutibus excelluisse, nec nouum dixerò, nec omne. Hoc tantum dicam: quemadmodum eius aula omnis honesti cultus Scholæ fuit, ita qui ex ea prodierunt, viri plane heroici, non pædagogos aut campidōctores aulicos, sed ipsummet Maximilianum morum & disciplinæ militaris

litaris informatorem habuisse videbantur. Sub tanto igitur principe per totos xvii, aut amplius, annos, quibus in domesticis Cæsaris fuit, tantum in militaribus studiis profecit, vt omnibus aulicis & externis admirationi esset. Causa huic rei duplex erat. Primum, quod patruus eius Bonifatius vir vigilatissimus, & acerrimus acta totius diei ab eo quotidie fastidiosè exigebat, vt ei otioso aut negligenti esse non liceret. Deinde Cæsar ipse, vbiunque illi a curis grauioribus vacaret, quali spector disciplinæ aulicorum puerorum, eos inter se certantes, & ludicra prælia committentes libentissime spectabat. Hæc curiositas Principis æmulationem inter eos accendebat. nec frustra. Nam quotidie meliores seipsis euadebant. Ita igitur reductus, & institutus Cæsarem in omnibus expeditionibus, aut Benedictum patrem, qui in Italia partem rei bellicæ sub Cæsare administrabat, secutus est. Orto deinde grauissimo inter Cæsarem & Venetos bello, nunquam a latere patris Bonifatij aut patris discessit: in cuius etiam contubernio Veronæ fuit, cum Benedictum Veronæ regendæ impositum per speciem cum in auxilium imperium reponendi non multo post inde Cæsar euocasset, pace cum Venetis inita, & armis in Gallum conuersis. Cum Benedictus non euocari se, sed citi censeret, omnemque sibi spem recuperandi auiti sceptri hoc facto præcidi: grauissime hanc repentinam mutationem tulit, & Regem Ludouicum clam sollicitare cepit, spondens suam vtilem in eo bello operam, si eo loco, quo apud Cæsarem tunc esset

esset, sese habere vellet. Longo enim usu rerum in Italia, Germania, & Hungaria gestarum sibi nota esse ea, ad quæ discenda Gallis longiore experientia in illis regionibus opus esset. Pollicitationem hominis a vanitate remotissimi Rex, alioqui prudentissimus Princeps, inhumano dicto persecutus est: Se rationem non habere nobilitatis, quæ pro censu tumulos aurore ostentaret. Benedictus se ab externo principe non admitti æquo animo tulit, qui paulo ante ab eo, de quo bene meritus erat, reiectus fuerat. Secutum est paulo post funestissimum prælium Raennate: in quo prima coitione cum dubia fortuna & multo vtrinque sanguine diu pugnatum esset, Benedictus & Titus filius Cæsareæ turmæ vexillifer interfecti sunt: quorum cadauera hosti crepta Iulius Cæsar in tuto reponenda, Aquilam etiam receptam, quam Titus gestauerat, Cæsari reddendam curauit. Cum Cæsarei iam victoriam exploratam haberent, id quod ex acclamationibus militum, vt fit, sibi persuadebant: ecce acerrimus iuuenis illustris Gasto Fuxius, dux vniuersi exercitus Gallici, collectis viribus, secundo in Cæsareos signa mouet. Vnde maiore longe, quam antea, clade prælio instaurato, Iulius Cæsar equo ab equite cataphracto Gallo deturbatus, & humi afflictus sexcentis equinis vngulis proculcatus est, vt inde pro mortuo a suis post pugnam elatus sit. Paucis tamen interiectis diebus, cum ad se rediisset, licet pessime acceptus, ad Cæsarem prope depositus vt deferretur, præcepit. Ibi Cæsar laudatum ob patris & fratris corpora seruata, & Aquilam

lam receptam, præmiis virtutis affecit: equitem etiam & propinquum dixit, datis, ut solet, manu propria calcaribus aureis, & torque equestri cum appendice Aquilæ imperialis aurea, quam Aquilam tamenli maiores nostri gestauerant, tamen eam huic virtutis præmio Cæsar accedere voluit, tanquam ab illo tunc primum hoc præmium inciperet, non tanquam a maioribus delatum ad nos peruenisset. Itaque nos Aquilam imperij a tribus Cæsaribus accepimus, Alboinus quidem ab Henrico septimo, Canis Magnus & Mastinus III a Ludouico Bauaro, Iulius Cæsar pater meus a Maximiliano: cuius etiâ propinquus dupliciter erat, natura & adoptione. Bartholomæa enim Austriaca Benedicti mater, Iulij Cæsaris auia, propinqua Cæsaris Maximiliani erat. Deinde qui ob virtutem bellicam equites a principe renunciantur, ij eadem opera in affinitatem principis recipiuntur, & propinqui eius declarantur, quasi in familiam eius adoptati. Plurimum, fateor, pater debebat Cæsari, quod in eius aula, literis, moribus, & disciplina militari informatus esset. Sed quicquid Cæsar patri meo ob nauatam strenue in expeditionibus eius operam, & vulnera pro eo accepta debebat, hæc omnia vno torque, & calcaribus aureis compensauit: licet ipse supra quam credibile est, benignus & liberalis esset. Sed eius voluntati res & facultas defuit. Cōmeatu a Cæsare impetrato, Iulius Cæsar Ferrariâ, vbi antea a Benedicto vxor Berenica relicta erat, patris & fratris corpora detulit. Sed mater Berenica paulo post ex mœrore diem vltimum clausit.

clausit. Ita tria funera domestica vno tempore curauit. Nec vero vllum moueat, quod in Nymphis indigenis Benedictus pater ab eo inducatur vxorem Berenicam sub Nymphæ Napææ nomine deflens. Prolepsis enim poetica est: cum octauo post cladem Rauennatē die Berenica nuncio de Benedicti coniugis, & filij Titi cæde accepto, paulo post mœrore extincta sit. Amisissis patre, matre, atq. fratre, nihil aliud supererat, quam sordidatum in perpetua egestate & luctu viuere. Veneti enim Ripam & reliquum Benedicti patrimonium iam tertium inuasérant. Ea tempestate non Scaligeri cognomine, sed Comitibus a Burden vulgo notus erat. Atq. ita a Lilio Gyraldo Ferrariensi familiari suo quamuis deprauate nuncupatur, in libello de Poetis recētioribus. Quod cognomen, quandiu in Italia fuit, illi semper hæsit: ita vt raro Scaliger vocaretur, sed Iulius a Burden, aut Comes a Burden. Cum autem paupertas omni conditioni sit onus graue, tum nobilitati præcipue senium est, quoties per angustias rei familiaris hominibus summo loco natis emergere non licet. Sed hoc incommodum ab illo amolita est liberalitas Alfonso Ducis primi, qui ei annua opima constituit, inque primis amicis & propinquis habuit, memor priscorum Scaligeræ domus in Estenses Marchiones meritorum, & contractæ bis Scaligeris cum Estensibus affinitatis. Neque vero Iulius tantam optimi Principis liberalitatem tacitam præteriuit: sed longo poemate, cui Eridano nomen fecerat, celebrauit. Eius poematis mentionem mihi aliquando factam a patre me-

mini, priusquam in librum Gregorij Gyraldi de poetis recentioribus inciderem, in quo etiam eiusdem poematis meminit, quamuis Elysium nō Eridanum vocet. Nam typis vnquā excusum sit, necne, ignoro. Sed cum Iuliū tæderet inertis vitæ inter aulicos Ferrarienses transigendæ, constituit primum, vt multorum mos est, præsertim nobilium Italorum in desperatione rerum suarum, habitum Franciscanū sumere, & sæculo, vt loquuntur, renunciare. Quare cum Bononiam venisset, cæpit Scoto operam dare. Atque is primus fuit illi philosophiæ gustus. Tamen nō multo post tepuit ille monachisini æstus, propter nescio quid *ἀπὸ τῆς*: quod tanti apud eum fuit, vt nunquam postea ad vltimum vsq. vitæ diem cum Franciscano villo sermonem vltro ferere voluerit. Ad animi & linguæ dotes accesserat decor regius corporis, & agilitas tanta, vt armis, saltu, equestri scientia omnes æquales anteciret: quibus rebus facile omniū animos sibi deuinxerat. Cum autem in Bononiensi Academia, quæ tunc & florentissima, & frequentissima erat, multi nobiles essent, qui literis operam darent, vix vllus fuit, qui non secum male agi putaret, qui in eius amicitia aliquem locum non obtineret: inter quos duo fratres ex antiquissima Plociasorum in Liguribus Taurinis, vnus item ex illustri Rouerorum familia, ad amicitiam eius sese applicarant, vt nunquam ab eius latere discederent. Quamuis iam in Philosophia progressus aliquot fecisset, tamen humanitas studiorum ferociam militarem nondum retundere potuerat, cum animus irrequies adhuc Martem.

Martem spiraret. Itaque quemadmodum in illa frequentissima Academia nunquam euitari poterat, quin nationes, vt solet, in diuersas factiones & studia discederent, atque inter sese conflictarentur: ita ipse nunquam effugere poterat, quin illi aliquod specimen pugnae edendi necessitas imponeretur. Non enim tum in ordinem cogeabantur Scholastici. Bononienses, neque exarmabantur, vt hodie fit. Atque ideo plurimus in ore omnium erat Tonsus de Burden. Ita enim cum, quod strictim tonderet, vocabat vulgus Italorum. Interea duo fratres Plociasci, & post eos Rouerus a parentibus domum reuocati triste congressus sui desiderium Iulio reliquerunt. Quod discidium ita impatienter tulit, vt & per multos dies publico abstineret, & consueta corporis experimenta intermitteret: quod illi tamen in bonum vertit: cum interea totus libris haereret, & nunquam ab illis sine fructu discederet. Et iam non minor eruditionis eius, quam virtutis militaris opinio erat. Quippe publice quotidie disputans eosdem oculos in se conuertebat, quos antea in admirationem fortitudinis suae rapuerat. Sed duae curae illum maxime exercebant, & à literarum studiis cogitationem eius auertebant, desiderium Plociascorum, & armorum quotidie recrudescens amor. Quae duo cum impatienter ferret, relicta Bononia, mediocriter viaticatus, quantum scilicet patiebantur facultates hominis, qui & sua omnia amiserat, & in alienis modicam spem reposuerat, ad Castrum Nonnum Ligurum Taurinorum, cuius Plociasci domini

erant, sese contulit. Quantiis autem domus in luctu esset, ob recens funus patris Plociascorum, tanta gaudij significatione a dominis exceptus est, ut non domum in luctu deprehendisse, sed lætitiā domum intulisse videretur. Non diu in Nonno Plociascorum castro fuerat, cum in Vicum nouum patrimonij Rouerorum proficiscitur, ab ipsis loci dominis, quibus antea Bononiæ familiariter vsus erat, literis accitus. Hactenus eius vita instabilis, & desultoria fuit, multis iactata periculis, nullo coalescens otio. Hæc autem domus ut corporis fugam sistere, ita animum vagum atque æstuantem continere valuit: quanquam armorum semper rebellans affectus non sinebant hominem quiescere, præsertim in iis locis, in quibus propter Gallica bella, nulla dies sine aliquo armorum tentamento transibat, siue hostis excipiendus, siue expeditio in hostem instituenda esset. Nam ex quo eius virtus tam ducibus Gallicis, quam nobilitati Ligurum Taurinorum nota esse cepit, ab illis quotidie studiis militaribus prouocabatur. Ex eo ipsi etiam Proregi notus, & carus, turmam equitum centum leuis armaturæ adeptus, excursions quotidianas summa cum laude faciebat. Applicarant sese illi inulti ex nobilitate regionis, ut Plociasci, & Scalengi, qui se proauis nostris oriundos prædicabant: alique multi præterea, qui ob locorum & regionis peritiā sæpe illi exploratorum loco erant: eorumque indicio hostium copias & pabulatores repentinis incursionibus oppressos iniudebat. Forte per eosdem certior fit manipulum

lum hostium cum ala equitum, superato iugo, per declivia collis laxo agmine descendere, mandris mulorum ponessequentibus, & Vercellas, quantum ex longinquo colligere licebat, tendentibus. Eæ, ut exitus declaravit, pecuniæ Ducis Sabaudiaë magnam vim, & suppellectilem preciosam gestabant. Simul admonetur ab exploratoribus, spem egregiæ victoriæ, & ingentis prædæ obiiici, cuius potiundæ vim in sola diligentia repositam esse. Itaque cum ea copia, quam habebat, magno progressu ad latera collis improuisus peruenit: neque se hosti prius ostendit, quam in planis totum agmen cum impedimentis constitisset. Commisso acriter cum equitibus prælio, diu magna contentione ad multum diei pugnatum est: donec duce alæ & aliquot aliis interfectis, reliquis sine cæde viuis potitur. Pedites cæde equitatus sui perterriti, traditis armis, deditionem faciunt. Itaque ingenti præda potitus, impedimenta omnia, & magnum captiuorum numerum abduxit, in quibus erat Anna Ducis Sabaudi concubina, mulier egregiæ forma, & Thomas ille Franciscanus, decantatissimus Agyrta, quatuor millibus coronatorum instructus, quæ ipse histrionicis concionibus suis, & aliis vernilibus technis in Gallia per aliquot annos quæsiuerat. Annam in arce vici noui pudice a matronis nobilibus habitam Dux paulo post precio redemit. Thomæ non alia redemptione opus fuit, quam illis, quæ secum gestabat, quatuor millibus aureorum, quibus Galerum Cardinalitium redimere constituerat. Sed cum amissos num-

mos

mos nulla spes recuperandi, aut reparandi esset, mœrore vitam paulo post finiuit. Etiam me puero tritissimum fuit inter homines militares tam in Gallia, quam in Liguribus Taurinis, Ducem Sabaudia, post amissum imperium suum, nihil acerbius tulisse, quam lectissimorum equitum suorum cædem, & pecuniæ atque preciosissimæ supellectilis iacturam. Idque contigisse notabant, cum Thomas Franciscanus, & Anna concubina capti fuerunt. Ideo vtriusque a nobis iniecta mentio, non quod tanti fuerit, de plano & muliercula triumphatum esset: sed uti, quemadmodum de Thoma & Anna, ita de duce, cuius auspiciis id damnum Sabaudis illatum esset, constaret. Nam patris nomen ideo ignoratum puto, quod non Iulius Scaliger, sed Iulius a Burden vocaretur. Victor reuersus, nemine de suis desiderato, honorifice a Prorege laudatus, & postea Regi Francisco, qui superatis Alpibus, in Vicum nouum Rouerorum diuerterat, nomine plurimum commendatus, ut iusta stipendia turmæ suæ ex regia gaza procederent, impetrauit. Extra ordinem enim eam a Prorege obtinuerat, & ex nobilibus voluntariis, amicis suis, fere supplerat. Quamuis cum ætus quidam militiæ armorum amore potius, quam odio quietis transuersum ageret: tamen literarum, quibus prima eius pueritia sub Maximiliano Cæsare excolta fuerat, obliuisci non poterat. Itaque vbicunque a militiæ laboribus respiratio daretur, quas Bononiæ reliquisse videbatur, ad eas furtim dulcedine quadam rapiebatur: quem ardorem accendebat vsus & familia-

familiaritas medici Taurinensis nescio cuius, & Pharmacopolæ rei herbariæ peritissimorum: qui vbi cum semel & iterum in montana ad herbarum inuestigationem deduxissent, accidit, vt cum nihil minus, quam tale cogitantem alter disputationibus suis, alter peritia *ἐλπίδα* ad medicinæ studium incitarent. Iam Bononiæ eos in Aristotele progressus fecerat, vt & magistris ipsis disputando admirationi esset. Itaque conquestis Taurino Hippocratis, & Galeni libris, quos quidem tum nancisci per bellum licuit, adhibito in consilium Aristotele suo, breui effecit, vt non solum familiarem suum medicum Taurinensem, quem vnicum ad medicinam incituum habuerat, sed & supremos medicos superaret. Oneris militaris sollicitudo, & literarum amor eo illum perduxerant, vt, cum vtrique functioni pro dignitate satisfacere veller, noctes diebus, & munia militaria studiis continuando, rationem valetudinis non haberet. Quare annos natus triginta quinque, ex nocturnis laboribus militiæ, & lucubrationibus literariis, item cæli in alpini inclementia, arthritidem contraxit: cuius prima tentamenta adeo acerba fuerunt, vt multos menses decubuerit. Valetudo restituta pristinis cum miliciæ & literarum studiis reddidit, adeo præteriti morbi oblitum, vt non solum ab iis, quæ valetudinem vitiant, non temperaret, sed & noua vltroq; morborum irritamenta arcesseret. Nam cum hæcenus Græcas literas ignorasset, eas anno post primum morbum avidissime prosecutus, incredibili celeritate didicit. Sed

pertinacissimarum vigiliarum acerbissimas pœnas
luit, multo acriore, quam antea, arthritide repetitus.
Itaque intermissa contentione militiæ, & abdicato
turinæ ducatu, statuit literarum studiis reliquum
vitæ tempus transmittere, tædio prioris inutiliter
actæ, cum iam annum quadragesimum excessisset.
Quare vere dici potest, vnicam domum illustrium
Rouerorum ei & belli arcem, & Athenarum fuisse.
Erat in gente Rouerorum Episcopus Aginnensis,
Præful. ditissimus, singulari bonitate, & pietate,
promotus ad eas opes a Sixto, & Iulio Pontificibus
Maximis, Rouerorum propinquis. Cum illi ex offi-
cio necessitas incumberet diœcesim suam inuisendi,
valde pigebat hominem prisca simplicitate, & pere-
grinandi insolentem Alpes transgredi, quasi in Co-
lonias noui orbis transcriberetur. Ad eum metum
accedebat ætas ingrauescens, & valetudo cuilibet
mutationi opportuna. Quia vero aut omnino mi-
grandum erat, aut episcopatus abdicandus, satis se
ad ancipites casus valetudinis munitum credens, si
Iulium Cæsarem sibi comitem viæ adhiberet, eum
per amicos tentatum, mox ipse priuatim precibus &
blanditiis aggreditur, quod crederet ad hoc iter sus-
cipiendum haud facile inductum iri. Neque opi-
nio eum fefellit. Præcise enim negauit Italiam Tran-
salpinis regionibus mutaturum. Cum diu pertina-
cia propositi frustra oppugnata esset, tandem manus
dat ea conditione, vt non amplius, quam octo dies
Aginni detineretur. Quid enim sibi cum ea gente,
cum qua ne vnum quidem diem viuere possit? Sed
hæc

hæc erant verba hominis & amoenitatem Aquitanix, & rerum euentâ ignorantis. Nam qui octauo die reuerſi pactus erat, eodem ipſo tempore cauſſam conſilij mutandi naſtus eſt. Educabatur tunc Aginni apud Auſiam nobilem matronam puella leſtiſſima Andietta de Roca Lobeiaca, annos nata XIII. Eam primum viſam ita deperire cæpit, vt pactam prius cum Epifcopo de reditu in Italiam conditionem amoris eiſ poſthaberet. Cum itaque nuptias eiſ petentem propinqui puellæ cauſſando eiſ quidem iam ingraueſcentem, puellæ autem acerbam ætatem, ſæpe ſummuſſent: non tamen iccirco quicquam de contumacia aut amandi aut petendi remittebat: qua tandem effecit, vt triennio poſt homo annorum quadraginta quinque puellam ſexdecim annorum vxorem duceret: cum qua annos vnderiginta vixit, ab anno clō. lō. xxix. ad annum clō. lō. LVIII. relictis de quindecim ſeptem liberis ſuperſtitibus. Quicquid iſ ſibi, & publicæ vtilitati vixit, id omne vxori acceptum referri debet. Illa deſultoriæ vitæ fluctus & errores compoſuit: animum vagum & ad incerta tranſuolantem pudiciſuis moribus retinuit: cum ipſa totius rei familiaris onera ſuſtineret, & virum omnis moleſtiæ ſecurum præſtans ſic vacuū ad ſtudia literarum remitteret. Illa tumidum & iracundum ſæpe morigeratione ſua placauit, & ſolennibus podagræ inuaſionibus repeti ſolitum charitate coniugis, ſedulitate ancillæ curauit, certa, ſpiritum ſuum in ſpiritu viri vetſi, ideoque ſibi conſulere, cum illi conſultum veller.

De eius forma supra quotidianas pudenter est seniores Nitobriges, qui hodie supersunt, quam filium, referre. Nemo ex illis est, qui eius vel minimam mentionem fecerit, qui non protinus dotes animi & corporis laudauerit. Origo eius ex antiquissima & nobilissima gente dominorum de Roca Lobeiaca in Cadurcis. Auus Benardus, homo contumax, & præfracti ingenij sub Ludouico XII. causam capitis dicens apud Senatum Tholosanum interfecti a se domini de Lusechio patruelis sui, necessitatem supplicij a se depulit, transactione cum orbis facta, & omni iure Rocæ Lobeiacæ a se in illos translato. Ita Arcem suam longa maiorum serie ad se transmissam liberis interfecti transcripsit, & auito patrimonio exutus Aginnum Nitobrigum sese cum liberis suis recepit, vxore annis ante aliquot amissa. Huius filius Alanus, Andicta filiola bimula relicta, admodum iuuenis decessit. Vetustatem eius gentis præter alia, quæ in Cadurcis supersunt, argumenta, refert sepulchrum Episcopi Aginnensis ante hos quadringentos annos plus minus vita functi, quod visitur hodie in Basilica Stephani cum vetustissimis Dominorum de Roca Lobeiaca insignibus in pariete cellæ, quæ Marianæ iuncta est. Hactenus de lulij patris mei vita ea perstrinxi, quæ ad eius memoriam spectare arbitratus sum. Nam omnia perscribere, hoc esset annales condere. Statura fuit pro-cera, & ad decorum erecta, regio, & augusto ore, colore fusco, artubus torosis, corpore exercitatissimo. Nam vt in aula Maximiliani Cæsaris, sic in
nostra

noſtra Aquitania, omnes in omni genere palæſtræ, equitando, & armis dimicando ſuperavit. Ac quamvis iam pòdagra articulos fregiſſet, tamen adhuc equos domi alebat, quòs in campo viridi domitabat, qui ripam Garumnæ & Aginnum interiectus eſt, quo campo neque porrectiorem, neque amœnorem vlla vrbs Gallicana habet. In quo cum Carbone illo nobiliſſimo Aquitano, & acerrimo pugnatore, ludicro certamine, haſtis conſligens, hominem equo deiecit: cum tamen hætenus Carbo tam in Aquitania, quam in Liguribus Taurinis in Ludicris equeſtribus primas obtineret, & in illis inuictus haberetur. Sarifſa aut Sibyna correpra, ei innitens in templorum culmina erepebat. Appreheſa utroque pollice tina ſatis alta, in eam collecto ſaltu deſiliebat, atque in eodẽ ſtatu compoſitus corpus in ſublime ſubiectum extra tinam expediebat, fruſtra idem tentante, quæ tum intererat, Vaſconica nobilitate. Annos ſexaginta duos natus, manibus arthritide debilitatis, trabem ingentem & prægrauem, quam quatuor operæ moliri non potuerant, & ipſe ſolus loco manibus ſuis labefactavit, & quo deſtinatum erat, traduxit. Referrem plura & militaris & campeſtris diſciplinæ ab eo edita exempla, niſi lectorum faſtidio occurrerem: quorum multi tam libenter ea vituperant, quam inuiti legũt: in quibus eſt Lucumo Becceſelenus, quo nemo impudentius & licentius abuſus eſt ingenio & otio ſuo, qui inuſitata ruſticitate patrem meum deridet, quod Pyrricham armatus coram Cæſare Maximiliano ſaltaffer.

O stolidam, & barbaram impudentiam! Sed Mar-
rucinus eadem leuitate hominum nobilium & in-
genue educatorum studia & artes carpere potuit,
qua Moſem ſubſannat, quod Hebraice potius, quam
Brabantice nomina veterum patriarcharum inter-
pretatur. Et tamen illæ Origines incertum impiæ
magis, an ineptæ, editæ ſunt cum venia eorum, qui
omnia ſcripta ad cenſuram ſuam reuocant, & nihil
iniuſſu ſuo publicari volunt, Sed quanquam ab ini-
tio tot aduerſarios habuerimus, quot ille admirato-
res naſtus erat: tamen omnes eius plauſores iam te-
peſcunt, & ſaturi de illo theatro ante complicatum
aulæum diſcedunt. Ea eſt laſciuiæ & leuitas plebeio-
rum iudiciorum. Non ſolum igitur in Pyrrhicha,
quam in homine nobiliſſimo irridet Terræ filius, ſed
etiam in omni palæſtra, quam hominem tali ortu,
& in aula Cæſaris eductum ſcire oportebat, ſolers
fuit. Quæ ideo retuli, non vt a vulgariſſimis meritis
ei laudem captem: ſed vt mirentur omnes, cum a
duris militiæ ſtudiis, in quibus altus & ſubactus fuit,
ad otium literarum traduci tandem potuiſſe, præ-
ſertim ſeueris Bonifatij patrui imperiis a prima uſq.
pueritia aſſuefactum, ad cuius nomen & mentio-
nem etiam adultus totus tremiſcebat. Erat enim
homo acer, ferox, impatiens quietis, rigidus diſci-
plinæ militaris exactor & expenſor. Contra frater
eius maior natu Benedictus, erat homo leniſſimus
& moderatiſſimus, vt qui eius fortitudinem & gna-
uitatem ignoraret, lenitatem hanc lentitudinem in-
terpretari poſſet. Itaque ex duobus filiis Benedicti,
patruus

patruus Iulium Cæsarem, pater Titum ex similitudine morum suorum magis diligebant. Ac quemadmodum Benedicto homini placidissimo vxor imperiosa, factiosa, elata, (quales semper animos producere solet gens Lodronia) semper aliquid magnum, ac supra fortunam profugi mariti spirans: ita Iulio filio iracundo & ad leuia momenta irritabili contigerat vxor, quæ tum prudentia sua irarum surgentes motus præsentiret, tum patientia atque indulgentia eluderet. Igitur & militia & arthritide fracto, Philosophia & literæ manum tandem iniecerunt, & mollibus disciplinarum suarum imperiis contumacem animum subegerunt. Neque vero obstitit *Quædam*, quin quod alij longo tempore, ille pertinaci labore assequeretur, quamuis ante quadragesimum septimum ætatis annum nihil ediderit, neque ante id tempus totum hominem sibi plane subiecissent literæ. Adhuc enim & corpore & animo inter nobilitatis Vasconicæ ludicra certamina, & conuiuia peregrinabatur. Sed postquam morbus iam olim domesticus eum lecto affixit, & quemadmodum corpori facultatem, ita animo voluntatem vagandi ademit: nullum tempus a studiis literarum & lucubrationibus vacuum felinebat. Quo factum, vt eodem tempore nemo eo neque plura neque meliora ediderit. Quæ omnia superioribus bellis ciuilibus cum domestica suppellectile direpta intercederunt fere. Quoties arthritidis ei vsum scribendi adimebat, tunc, vt Ennius loquitur, poetabatur, & quocumque versus noctu conceperat, mane, si per frequen-

frequentiam eorum, qui illum consulebant, aut officij causa inuisebant, liceret: sin autem, vespere, postquam omnis turba illa dilapsa esset, dictabat. Ac tanta erat memoriæ felicitas etiam in extrema senectute, vt ducentos versus in Viuesiano prædio mihi dictarit, quos die priore conceptos propter visitatorum officium recitare distulerat. Neque vero minor fuit *δυσχία* eius in colligendis ex vultu hominum moribus, iudicio potius, & vi quadam animi occulta, quam vanitate Physiognomonica. Neque profecto vnquam in eo fallebatur. Prodigiosa etiam vsque ad miraculum ex somniis vaticinatio. Vnum de multis referam. Cum Heroum suorum opus contexens ad multum noctis lucubrasset, absoluto libro, post cænulam quiete compositus imaginatus est, in æde Mariæ Antiquæ Veronensis, vbi sunt monimenta gentis nostræ, hominem procerum, ac grauem sibi obuiam factum secum expostulare, quod se inter Heroas suos non collocasset. orare igitur, vt hoc faceret: se Benedictum Brugnolum esse, domo Leniaco, qui patrem Benedictum ac patruos literas primas docuisset: ipsum quoque puerulum aliquando inter vlnas gestasset. Venetiis se vltimum diem obiisse, ibique sepultum esse. Experrectus somnium elegia elegantissima expressit, quæ calci Heroum addita est. Ipse vero nunquam sciuit, quis esset Brugnolus ille, neque quid portenderet somnium. Et profecto ego quoque nihil vnquam aliud, quam somnium credidi, donec anno Clō. Id. LXVI. cum essem in Italia, & M. Antonio Mureto

expo-

exposuissem me habere in animo Venetias proficisci, ille inter alia, quæ in ea vrbe digna cognitu sunt, refert monimētum esse Benedicti Brugnoli Leniacensis excellentissimi æuo suo Grammatici, qui, vt eius epitaphium fert, & principes & proceres æui sui in Norico literas docuerit. Id sepulcrum dignum esse, quod studiosos antiquitatis oculos moraretur. Neq. tamē magis meminerat Muretus somnij patris mei, quam pater meus sciebat, quis esset Benedictus Brugnolus. Legat totam elegiam, qui volet, & inueniet quod satis mirari non possit. Porro multarum linguarum peritus fuit, Sclauonicæ, Hungaricæ, Germanicæ, idiotismi Græci, Italici, Hispanici, & Francici. Sed Francicum tribus mensibus, postquam Aginum venisset, perfectissime loquebatur: cum tamen & Vasconicum simul didicisset. Maior enim longe differentia linguæ Francicæ, & Vasconicæ, quam Flandricæ & Germanicæ. Oculis fuit cæruleis dilutioribus, quibus interdum noctu videbat, vt in crepusculo solemus. quod & mihi contigit, a pueritia ad vicesimum tertium annum. Nam postea hoc in me, vt alia multa, mutauit. Munditiarum & cultus corporis studiosissimus fuit. Quemadmodum in Italia, quod solus strictim tonderet, Tonsus vocatus fuit, ita in Aquitaniam solus barbatus venit. Mendacium ita auersabatur, vt & ad mentionem ipsam exandesceret: & nihil prius veritate ac pietate in Deum nobis commendabat. Nunquam meminini nos pueros coram eo sisti, quin primum illud præceptum inculcaret, Non mentiri. Si aliquem

mentitum sibi deprehendisset, nunquam postea cum illo in gratiam redibat. Dicebat enim omnem Christianum sine vlla exceptione a mendacio alienum esse debere, nobilem autem hominem, etiam si Christianus non esset. Sed & in Atheos, quorum illud seculum feracissimum erat, inexpiabili odio flagrabat. Petrus Rufus Consiliarius Aginnensis, qui illi ob doctrinam charissimus erat, ut qui & summus Peripateticus, & iuris ciuilis Romani consultissimus esset, hoc morbo animi laborabat. Nunquam cessauit, donec amicum sæpe conuiuio adhibitum, aut disputationibus confectum, aut precibus delinitum ad meliorem mentem reuocasset, tradito illi Augustini Eugubini de perenni Philosophia opere, quod illi viam ad veram Dei cognitionem muniret, quandoquidem a Rufo nunquam exprimere posset, ut sacra Biblia consuleret, a quibus Rufi animus abhorreret. Et sane ea lectio Rufo saluam mouit adeo, ut totum se protinus ad Theologiæ studium conuerteret: in quo tantum profecit, ut nemo acrius aut veram pietatem defenderet, aut atheismum oppugnaret. Erat enim acerrimus & acutissimus disputator. Neque solum Rufum summum virum, sed & sciolos quosdam hoc morbo leuauit. Mira siquidem eius erat pietas: sed præcipua etiam in pauperes charitas. Sub finem autumnii pannos emi curabat, quibus pauperes induebat, & a frigore in totam hiemem defendebat. Cum autem eis cibus ministrandus esset, nos puerulos adhibitos monebat, eos fratres nostros esse, idèoque eos a nobis

bis fraternâ charitate amplectendos : & protinus manibus nostris ad promumcondum deduci præcipiebat. Eos etiam agrotos lecto recipiebat, & industria sua curabat, & sumptibus propriis subleuabat, re Pharmacopœis, & Chirurgis de suo soluta. Domum eius publicam dixisses. Tot proceres, tot mediæ & infimæ conditionis homines in illam quotidie confluebant: ut meminerim sæpe tantum hominum domum conuenisse, ut cibum sumere illi non vacaret. Quot homines ab Orco, ut ita loquar, reuocauerit, non dicam. Sed si priscorum illorum Heroum sæculo hoc fecisset, supra Æsculapium cultus fuisset. Cum primum Aginnum venit, neminem deprehendit, quocum de literis verba faceret. Tunc enim primum illæ in Gallia nascebantur beneficio Regis Francisci Magni. Sed Burdegala nunquam caruit doctis viris. Nam & in amplissimo Senatu nō pauci erant docti, ex quibus præcipuo amore dilexit Arnaldum Ferronum, & Vidum Brassacum Golardum, virum nobilissimum. In Gymnasio autem Aquitanico Burdigalensi tunc erant Buchananus, Muretus, Teuius, alij. at qui viri? Ij quotannis feriis Vindemialibus Aginnum Iulij Cæsaris visendi cominebant, quos & lecto & mensa excipiebat. Negabat enim sibi rem cum podagra esse, quoties tales conuiuias haberet, quibuscum de literis loqui posset. Scio me nimis multa de eo scripsisse, & modum ab initio promissum excessisse. Sed supersunt seniores, qui longe plura dixerint, & mihi fortasse vitio verterint, quod illustriora omiserim. Ego

vero vnum tantum mihi proposui, strictim expone-
 re, quod eius vitæ genus fuerit ab incunabulis ad pri-
 ma militiæ tirocinia: hinc ad cladem Rauennatem,
 & ab ea ad transitum Alpium, & consequenter ad
 vltimum vitæ diem. Anno Christi clō. lō. LVIII,
 qui erat eius vitæ septuagesimus quintus, propter
 anni intemperiem valde æstare cœpit. Ad æstum
 leuandum succo Albatæcæ, vt Hispanis dicitur, vt
 nobis Vasconibus, Aubiecæ, supra vires seniles vsus,
 ex adstricta ob cruditatē illius fructus vesica, lan-
 guorem nactus est: quo in diem ingrauescente ne
 stillam quidem vrinæ per XIX dies continuos emisit.
 Balneo, quod ipse sibi præscriperat, reforus, vrinæ
 quidem obstructos meatus returauit: sed corpus se-
 nile inedia & diuturno morbo emaciatum nullo re-
 medio reficere potuit. Quare quadraginta duos
 dies cum illo languore conflictatus, XI. Kal. No-
 uembris obiit, maximo omnium dolore, & luctu,
 quem in exequiis eius magnificis testati sunt, quales
 fieri ipse testamento vetuisset, quo etiam cauit, ne
 vllum aliud Epitaphium monumento suo incide-
 retur, præter hæc verba: IVLII CAESARIS SCALI-
 GERI QVOD FVIT. Hunc finem habuit vir vetusta-
 te generis, quæcunque ea est, nisi ad fabulas recurra-
 tur, nemini secundus. Sed non parum fecit, quod
 hominis priuati in Nitiobrigibus summum fasti-
 gium attingit, qui principis imum in patria tenere
 noluisset. Officia principis amisit, hominis exer-
 cuit. Imperium amplissimum, & ditionem multa-
 rum ac potentissimarum vrbiū amiserant maiores
 eius.

eius. Hæc ille non morabatur, certus si quid splendoris ex illa fortuna redundabat, id totum non ad suam, sed ad maiorum suorum virtutem referendum esse. Imo absurdum non est, in maioribus eius quosdam in tantis opibus nulla oris aut corporis dignitate fuisse: quæ tanta in illo erat, ut nemo unquam eum viderit, quin protinus dicere iure posset, — *εἰς τὸ ἀξίον τυγανίδος*. Et certe omnia eius, corpus, incessus, gestus, oratio, stilus, libri nihil vulgare redolent. Propterea pauci eius libros attingunt, nisi qui nihil plebecium sapiunt. De scriptis eius dixissem, nisi iam olim de illis vulgo notum esset. Habes, ut puto, mi Douza, quod postulabas: si non, quod satis fuerit. Epistolam enim, non historiam scribimus: &, ut inquit Plinius Cæcilius, aliud est amico, aliud omnibus scribere. Liberos ex quinque maribus, quatuor: feminas ex decem, tres reliquit. Audectus quinquennio ante me natus primus ex maribus oibos parentes fecit. De quo tam verum est, quod dicam, quam mirum. Cum ea esset illius infantis indoles, quæ non solum parentes, sed etiam extrarios in amorem sui inuitaret, & ut ratio postulat, pater eum impendio amaret: tamen non poterat sibi temperare, quin, quoties in puerum oculos coniceret, vultum tristitia contraheret, & signa animi mœrore depositi cum gemitu ederet, ita ut mater non difficulter colligeret, patrem saluti filij diffidere. Cum causam doloris ex viro exquireret, ille caueret a nutrice vinosa, monere: sibi exploratum esse puerum suffocatum iri. Cum quotidie hanc curam ma-

tri obliiceret, caput & ipsa quoque serio timere. Itaque accidit, ut noctu surgens nutricem puero indormentem deprehenderet, ore eius in os pueri impresso, adeo ut puero exanimando punctum temporis deesset: qui agere ab ea oppressione refectus est. Cum iterum, & tertium in maiore periculo puerum offendisset, ebriosæ mulieris culpa, ante tempus ab lactatum puellæ pedisequæ custodiendum & regendum commisit. Miseram parentem nutricis amolitione periculum a capite filij depulisse, sese autem defunctam omni meru existimantem nihilo securiorem pater esse sinebat: Quare cum gerula puerum insanum in modum amaret, nocte quadam dormiens infellum inter arctissimos complexus exanimavit. Ita patris vaticinium infelix exitus comprobavit. Leonardus anno minor me a duodecim sicariis oppressus & obtruncatus est ad Laudunum oppidum Pictonum superioribus bellis civilibus. Ianum Constantium minorem me quatuor annis factio nobilitatis per æmulationem in Transsilvania interfecit, cum castro cuidam regendo a Stephano Despota, qui postea Poloniæ rex fuit, impositus fuisset. Ambobus fortitudo sua, & rara indoles exitio fuit. Ex quibus Leonardus, avo Benedicto, Constantius autem propatruo Bonifacio simillimus erat. De cuius fortitudine nihil dicam, ne fabulis similia, quam vero dicere videar. Silvium maximum omnium natum; annis totis decem maiorem me morbus in dotalibus agris Nouempopulaniæ extinxit, annum agentē ætatis quinquagesimum quintum

tum. Quatuor fratribus solus ego supersum decimus partus matris meæ, natus anno C l o. l o. x l, Aginni Nitiobrigum, pridie Nonas Augusti, horis quatuordecim post meridiem : vt meus natalis Nonis attribuat, tempore politico. Annus, in quem incidit natalis meus, in omnibus Chronicis, & Annalibus nobilis est ardentissimis æstibus, & vinemia Solibus exusta, præterquam vbi acerba cogi solet, vt in Heluetiis, & aliis frigidis tractibus, in quibus eo anno perfectissima vini coctura fuit. Ex sacro lauacro suscepit me in æde Hilariana vir nobilis Gerartus Landa, qui me non de nomine suo, quod auersabatur, sed Iosephum Iustum nominauit. Prius nomen, vt vulgo vsitatus, mihi hæsit : altero raro, nisi a patre etiam iam grandior appellatus sum. Annos natus vndecim cum Leonardo & Iano Constantio fratribus Burdegalam a patre missus, triennium primis elementis Latinitatis operam dedi. Inde pestilentia exactus ad patrem me recepi. Qui, quandiu apud eum fui, (& quidem, quandiu vixit, fui) a me quotidie declamatiunculam exigebat, facto mei arbitrij argumento, quod ex aliqua historia peterem. Hæc exercitatio & vsus stili quotidiani Latine me scribere assuefecit. Quia vero versus patris excipiebam, ex hac necessitate aliquem saporem poetices imbibi. Itaque & versu & prosa oratione nescio an aliis, certe patri pro captu ætatis satisfaciebam. vt aliquando me seductum rogaret, vnde sententias illas, & colores depromerem. Ego id, quod erat, mea illa, & de meo esse, respondebam. Sed admiratio-

mirationē apud amicos dissimulare non potuit Tragediæ Oedipi primæ fœturæ ingenij mei. Inquam, quantum ætas illa patiebatur (minor enim annorum XVII. eram) omnia poetices ornamenta & verborum delectum impenderam. Et sane, si bene memini, eiusmodi erat ille abortivus partus, ut eius me senem pœnitere non debeat. Anno ætatis meæ decimonono Lutetiam post obitum patris petij literarum Græcarum amore, quas qui nescirent, omnia nescire putabam. Postquam menses duos operam Adriano Turnebo dedissem, quia destitutus aliis præsidiis operam omnem in eius doctissimo auditorio ludebam, in musæum me abdidi, & in illo pistri-
no inclusus, quod ex aliis non potueram, me magistro discere experiebar. Igitur vix delibatis coniugationibus Græcis, Homerum cum interpretatione arreptum vno & viginti diebus totum didici: poeti-
cæ vero dialecti vestigiis insistens Grammaticam mihi ipse formaui: neque vllam aliam didici, quam quæ mihi ex analogia verborum Homeritorum ob-
servata fuit. Reliquos vero poetas Græcos omnes intra quatuor menses deuoravi. Neque vllum oratorem, aut historicum prius attigi, quam poetas omnes tenerem. Biennium continuum Græcis literis impenderam, cum ad Hebræas me impetus animi rapit. Et quamvis ne vnam quidem literulam in ea lingua nossem: tamen ad eam discendam nullo alio magistro, quam me ipso vsus sum. Intra illud triennium, & deinceps multa versu in vtroque sermone lusimus: multa de Latinis Græca fecimus, in quibus

bus studuimus, vt non solum Græca essent, sed etiam ne aliena viderentur. Multi enim hodie cum laude Græcos versus scribunt, sed pauci cum ea felicitate, quam in Græcis exigas. —Poteramus & edere nostra, appositis ætatis annis, vt fecit Politianus in suis Græcis poematis, quæ, præter pauca, digna erant, quæ in adolescente potius amaremus, quam quæ a seniore Politiano venditarentur. Sed nostra edere, odium ambitionis, a qua semper alieni fuimus, prohibuit: quamuis ea edere & nunc quidem sine fraude nostra liceret. Scripsi enim illa non tanquam publicaturus, sed tanquam amabili insanix, quæ nos ludebat, indulgens. Testor vero meam culpam non esse, si inuito me, aut iniusso, quidam versus claustra refigerunt. Multa in auctores vtriusque linguæ obseruauimus, ex quibus immanes partus nasci possent Variarum, Antiquarum Lectionum, Miscellaneorum, & aliorum eiusmodi, quibus hodie Philologorum ambitio lasciuire solet. Non quod eiusmodi scriptiõnis genus inutile putem, aut in vllõ scriptore hæc reprehendam: non enim ita insanimus: sed quia talia ab aliis edi, quam a nobis, malumus. Vt tamen nobis vigiliarum nostrarum fructus constaret, interpretandos & emaculandos auctores integros suscepimus. Hoc enim sine vlla ambitionis suspitione nos recte facere posse iudicauimus. In quibus auctoribus si eruditis lectoribus non satisfecimus, id quod nos non fugit: excusauerit totum genus vitæ meæ desultorium, & otij, quo maxime studia alun-

H tur,

tur, penuria. Nam ab anno CLP. LP. LXIII, ex quo in contubernio generosi Ludouici Castanei Rupipo-
zæi esse capî, ad hanc vsque diem, nullum tempus mihi aut a peregrinationibus, aut ab animi perturbationibus vacuum fuisse memini: vt malepoli intelligant, otium, quod ipsis ad maledicendum super-
fuit, nobis semper ad discendum defuisse. Immane enim quot & quantos hostes peperit mihi non iniuria priuata vlla (nihil enim mihi consciui, quo alius boni animum offenderem) sed, propensa literas iuuandi voluntas: cuius male relata mihi gratiam dolerem, nisi viderem hoc genus hominum morbo quodam animi potius, quam iudicio ad hoc agi. Quotidie aliquis mihi succrescit aut furiosus, aut flagitiosus, aut indoctus, qui mihi oblatret. Neque enim vllus profecto hactenus oblatrauit, qui non vna ex illis tribus virtutibus, aut etiam tribus simul, exornatus fuerit. Quod me multum consolatur. Contrarias enim istis moribus virtutes oportet esse, quas ipsi in me insectantur. Præter sciolos, aretalogos, & sophistas, exortus est, nescio quis, vt audio, furiosus Florentinus, quem quidam alastores populares sui in obtrectionem mei & incitarunt, & vltro adiuuarunt. Quippe iis instructum, quibus genus meum, & existimationem lædi posse putarunt, ad diffamatorij libri scriptiorem subornarunt, & misero illo furoris & inuidiæ suæ ministro vti sunt. In quibus vnus illi testimoniū Agyræ illius Villanij de fabro scalario auctore generis nostri.

nostri suppeditauit: neq. eo contentus, Sanfouino vt
idem scriberet persuasit. O homines astutos! Plum-
beis pugionibus nos iugulant, cū de nobis nihil ad-
ferunt, quod non illorū capiti vertat. Ego illum hor-
ribilem & sacrum librum non vidi, prater Titulum:
quo putat apud populares suos vendibilem mercem
suam extrudere, cum me obrectatorem nominis Ita-
lici vocat. Hic igitur titulus homines Italos, si qui
inter illos otiosi sunt, ad totum librum legendum
innitabit, qui alioqui limis oculis & titulum ipsum
præterissent. Ostendant mihi, cui obrectatus sim.
Si mihi necessitas imposita esset alicui obrectandi,
& ita insanirem: cur potius Italīs, quam Germanis,
aut Gallis meis? ἢ γὰρ πῶποτ' ἰμάς βῆς ἤλασαν, ἢ δ' ποτ' ἵπποις.
Quis effusior vnquam in laudes eius gentis, quam
ego? Iurare possim liquido me plures & meliores
viros amicos in Italia habere, quam vllum obrecta-
torem meum Italum. Quod si furore actus aut per
lasciuia totī genti odium aut bellum indicerem,
tamen propter eos, quos multos in ea gente & colo, &
obseruo, à furioso instituto desisterem. Si vero sunt,
qui me eo amentia progressum putent: tantū abest,
vt eos in Italorum numero habeam, vt ne in homi-
num quidem censeam. Qui librum illum dignum
auctōribus suis, me autem indignum legetunt, aiunt
tenebrionē illum putare me auctorem nescio cuius
libri, qui eius insētiā, & amentiam, qua omnes
bonos insectatus est, exagitarit: ac propterea, dum
auctorem vulneris sui persequitur, obuium corni-

bus incurfare, more fauciarum ferarum, quæ in eos, quos obiecit casus, struunt. Esto: ego sum auctor eius libri: & ita otium mihi sit ab re mea, vt curem, quid deliræt Corybantes in vrbe Florentina: Quam latebram quæret inscitia, & prodigiosis erroribus suis? Siquidem verum retulerunt amici mei, qui illius priorem librum legerunt. Ideone ego ero nescio quid, quia ipse id, quod est, esse non vult? Absoluant eum ignorantia & temeritate, qui eius monitores fuerunt: & viros putabo. Si quis me illo libro contumelioso moueri putat, & me illius Florentini rationem habere, qui misericordia potius mea, quam ira, dignus est: nã ille longe fallitur. Perinde est mihi ab illo vituperari, ac laudari. Laudes enim & iniurias nebulonum in promiscuo habendum. Neque ex his gaudium, neque ex illis dolor ad nos pertinet. Sed ideo illius mentionem feci, quod quidam male feriatu stipem suam in illum æruscatores contulerunt: & qui neque facto, neque dicto villo a me antea prouocari sunt, ij ope & consilio suo eius inciuilem audaciam & conatum iuuarunt. Quamuis conuicia hominem probum & constantem non labefactant, tamen concutiunt, & somnos rumpunt vt culex stridens, aut mus Leonem expergefaciens. Excuso iniurias nō accuratas, quas subitus iræ calor exprimit, & quæ mentiendi non habent tempus. Sed qui meditatam furorem adferunt, vt fecerunt isti scalarij fabri, ij quamuis non mouent nos latratibus suis, tamen aliquando sollicitudinem obiciunt.

Inultos

Inultos enim pati inertia censetur: respondere, insolentia. Et præterea nescio quomodo magis descendit in animos hominum, & magis circumfertur male dicæ vernilitatis, quam bonæ frugis liber. vituperatio bonorum ægrotantis sæculi argumenta sunt. Hoc nos in Gallia superioribus annis experti sumus nimis. Hæc licentia ab insectatione virtutis primum, & literarum & doctorum hominum incipiens, ad regum vsque iniurias & eadem denique peruagata est. Ego vero omnibus casibus expositus sum. Iam maleuolis par componor, & contra ipsos ab ipsis quotidie induror. Imperata est nobis a sapientia moderatio. Hoc tributum nobis impigris & alacribus pendendum est. Malo modestiam meam omnes, quam iustam iram pauci sentiant. Equis leget illa, nisi qui auctoris moribus sit? Quis delectabitur, nisi is ipse, qui Venetiis ad eum scribens, fabulam de scalario fabro illi dictauit? qui, cum esurire incipiet, locabit operam Inquisitioni, ut bonis periculum creet, & delaturis victum quarat. quod quidem multos iis moribus, eoque ingenio præditos facere vidi: quemadmodum solent scorta exoleta, quæ anus factæ lenocinium facere instituunt. Mouerer vero, si viri moribus, & doctrina excellentes hoc facerent. Nunc verò a talibus vituperari, hoc vero laudari est. Evitari non potest, quin virtutem, tanquam umbra, non solum, quod inquit ille, gloria, sed etiam inuidia sequatur. Ecce, quocunque me confero, inuenio rupices, & Marrucinos,

quibus virtus mea statim obolet, vt suis Amara-
cinum. Quocunque eo, mitto mei signa, Quisquis
perditus est, insanus, virtutis & bonarum literarum
hostis, vestigiis me meis colligit, & capitali odio
persequitur. Et profecto Deo opt. Max. gratias ago,
quod virtus quidem mea inimicos mihi peperit, sed
eadem longe plures amicos quæsiuit. Tot enim
egregij genere, moribus, literis omnium ordinum
viri nos amant, vt horum generis humani retribu-
torum ratio nobis habenda non sit. Conueniant
omnes furiosi, sophistæ, aetalogi, & operas mutuas
sibi tradant, Ne minimam quidem partem eorum
præstiterint, quæ præstitimus ipsi: & sudabunt plus-
fatis. Quid mihi obiicere possunt præter virtutem,
quam non habent? Nobilibus natales suos iactanti-
bus habemus quam obiiciamus vetustatem generis
mille & ducentorum annorum, eamque nullis fa-
bulis affectatam, sed auctoritatibus antiquorum
monumentorum assertam. Literatis si in aliquibus
probaui me aliquid scire, culpa vaco, si in aliis idem
non præstiti. Et quis hoc sibi promittere potest? De
moribus etiam inimicos meos iudices fero. Nullius
mihi conscius sum, cuius me apud homines pudere
debeat, neque quod aut existimationem sinistram
posteritati, aut corpus effæctum tradat senectuti:
cum continentia antea vitæ ad hanc usque æta-
tem eam artuum & mēbrorum firmitudinem mihi
asseruerit, qua nec meliorem iuniores optare pos-
sunt. Regibus, Principibus & proceribus noti su-
mus.

mus. Clarissimi & illustrissimi sumus. Literarum
amantissimi sumus. Ab omni ambitione, & inuidia
remoti sumus. Mendacium tam a natura, quam a
patris instituto capitatur odimus. Rumpatur in-
uidia. Non possumus esse dissimiles nostri. Omnes
inimici nostri virtutem non virum in nobis hacte-
nus infectati sunt. Equanā felicitas huic parere
poteſt? Sed vt ſcias me non vniuſmodi hoſtes ha-
bere: quem tot nationes norunt, is ego ſolis Aginnati-
bus popularibus meis ignotus ſum. & quidem com-
mendatitiis mihi opus eſſet, ſi ad illos cogitarem.
Iam trigintaquinque annos fortunis meis me euer-
tunt. Nuper etiam vicino meo acceptum refero,
quod maternum prædium meum, qui erat vnicus
patri meo ad philoſophandum ſecellus, miſere va-
ſtatum & diuexatum eſt. In ipſas quoque arbores
ſcæritum: ne prouerbij fidem eleuarem: Aliquid mali
ſemper eſſe propter vicinum. De cuius barbaricæ &
inciuitate alias fortasſe erit expoſtulandi locus.
Hoc precium innocentix meæ tuli, dirutos penates,
bona direpta, & quicquid victoria in hoſtes patriæ
permittit. Ac ne priuatim de vſlo queri poſſim, ho-
ſtes publice inueni, qui nihil non fecerunt, vt doce-
rent me ad ſeſe non pertinere. Fateor ſane: atque
adeo ad Batauos, in quos tranſlatus ſum, gentem iu-
ſtiſſimam, & humaniſſimam, me potius, quam ad
Nitiobriges pertinere dico. Septimus enim ſum ab
illuſtriſſima Batauorum comite Margareta, cum ne-
auus quidem maternus Nitiobrix fuerit. Ita anti-
quus

I V L I V S C A E S A R

S C A L I G E R

ARNOLDO FERRONO
ATTICO,

Patritio Burdegalensi.

S. D.

MATVRANTI mihi consilia studiorum meorum, propterea, quod & sero inita & multa opera ad perficiendum egere videbantur, obiectum est, Attice, eiusmodi impedimentum, cuius impetu non illa modo, Verum spes omnes nostræ quoque concidere. Cum enim eo properarem, vt filioliis meis letissimis adolescentulis quam plurimum facerem in re literaria: eorum alter bimulus, cuius atas quanto erat innocentie propior, tanto aptior fuit ad iniuriam accipiendam, acerbissima mortis tela, quæ ipse in corpus suum excipisset, ex mœrore infixit mihi. Atque illius quidem indoles, Ferrone, quæ tum ætatem, tum expectationem omnium nostrum præuenisset, & tunc pietatem meam, qui pater essem, & nunc luctum nostrum, qui mortales sumus, & deinceps posteritatis gratiam, cuius commoda diuini ingenij sui monumentis aucturius ille fuerat, merita esse credebatur.

At quo mortis genere abusa est securitate nostra inuidentissima bonis omnibus fortuna? O dij immortales! me ne aurei illius infantis vitam ei commississet me ne ei victum vitamque suppeditaſſe, quæ illi mortem esset allatura? me iis opibus, quas meo

sanguine peperissem, alere monstra ista, quæ sese nutrices appellari volunt: quarum impietate futurum esset, ut charissimorum viscerum meorum perpetuo torquerer desiderio? non Vigilia mea, non sedulitas familiarium, non miserrima parentis custodia saevissimi fati inuidiam placare potuerunt. Quare, mi Attice, quoniam prior vita, quæ fortuna obnoxia esset, eius feritate intercepta est: quod reliquum fuerat miserrimo patri, hoc genus alterum viuendi saltem, quod ad immortalitatem quam proxime accedere videtur, nolui deesse ei, cuius in successionem mortalitatem meam prorogari posse speraram frustra. Ac officij quidem genus hoc quanquam erga egregios beneque de republica meritos viros olim adhiberi solitum est: tantas tantæ indolis dotes tamen sua spe defraudari minime æquum putabam. Et pios studiososque mortales exoratos velim, ut si hanc operam in infantis meritis aut otiose, aut ambiciose locatam nolint, patiantur saltem seipsum lugere sordidatum arumnis patrem: cui dati a natura liberi sint, ut per eorum interitum ipse exitio suo fatali anteuertat. Tibi vero, Ferrone, cum propter alias virtutes tuas ciuiles, admirabilemque eruditionem, tum propter diuinam sapientiam, atque animi nobilitatem, qua verissimam colis pietatem, muneri mitto hanc oratiunculam, ut quem liberis meis patrem animo destinaram, si quid mihi humanitus accidisset, particeps sis cum veteris luctus ex recordatione illius necis propter singularem humanitatem tuam, atque nostram necessitudinem, tum consolationis ex lectione huius lucubrationculæ, propter opinionem, quam ego non satis meritis in hoc eloquentiæ genere fui semper apud te consecutus. Vale, Agenni, postridie calend. Iunias.

S C A L I G E R I
O R A T I O

In luctu

AVDECTI CÆSARIS
FILII.

SI pietatis meæ, CIVES, monumenta crebra clementiore fato veterum suorum meritorum cursum tenere potuissent, non huiusce nunc acerbissimæ tempestatis appulsu consilia nostra inferrime conficerentur. Quæ enim pericula aut piis votorum nuncupationibus auertere, aut præsentis corporis animique vi a meorum liberorum ceruicibus depellere consuevissem: nequaquam hoc alienissimo ætatis meæ tempore eorum periculorum non euenta solum sed memoriam quoque ipsam cogerer detestari. Heu me miserum! Eone res recidisse, viri studiosi, ut qui omnes meas spes in perpetuis literarum thesauris reposuissem, maximum à diis immortalibus beneficium putarem me consecutum, si hoc tanto in luctu liceret mihi diuinæ humanæque sapientiæ obliuisci? quemadmodum enim charissimi capitis amissi recordatione, paulisper intermissum malum rursus integrascit: ita si qua mentis remissione atrocissimi casus vestigia obtegi contingat, tum me lenioris fortunæ fructum capere putem: quoniam communia officia humanitatis, ciui-

lia merita, memetipsum denique ex animo meo aliquando delere valuerim. Quod si hoc fatale fuit mihi: ut cum suauitate studiorum meorum iacturæ acerbitas mea in memoria tam penitus, tamque pertinaci diuturnitate debeat insidere: saltem nobis illud reliquum factum sit, Audeat filiole, ut earum literarum ornamenta non ad tuam gloriam, quæ per sese immortalis est, sed ad miserrimi patris consolationem conferantur. Atque utinam deorum immortalium consilio hæc mearum reliquæ miserrarum ita subleuantur, ut iustæ doloris magnitudini elegantiore orationis apparatu respondere possem. Profecto si tuarum virtutum ingentem illam, ac plenam spem dicendo æquare non valerem, at iuuaret sane me summum esse oratorem: quoniam fuissem pater incomparabilis. verum cum neque mihi propter mæroris immanitatem, neque cuiuspiam mortalium, ob tuam diuinitatem, tantum vniquam copię datum sit: quoniam felix esse non potui te viuente, gratus sim saltem interempto tibi, qui extinctum pene gentis nostræ nomen reuocatis auitis virtutibus amplissimo certissimoque omnium ciuiliū officiorum cultu cumulatissimum fueras effecturus. Quodque mihi natura ipsa negat perniciosissimi luctus oppresso mole, hoc eius iussu exequar, ingentis amoris magnitudine concitatus. Qui enim vitæ nostræ spatii certas præscribi regiones, certosque tractus ita animaduertirem, ut hoc æui, quod sibiipsi in nobis aliquando defuturum est, in succedentis transmissum soboles continuatis interuallis

uallis componatur: omnium mearum momenta cogitationum ad liberorum meorum salutem, atque integritatem referenda iudicabam: & quorum commodis nostra incommoda deberentur. & in quorum vitæ præsentis sinu præteritæ vitæ nostræ memoria conquiesceret. Ac quanquam in pueruli funere maior luctui modus adhibendus esse videbatur, propterea, quod imbecilla ætate, & nihil eorum præstare potuerit, quibus sublatis, non sine maximo dolore careamus: & æquali ingressu lucis huius ad vitia virtutesque propensus esse queat: ego tamen contra sentio, diuinum nescio quid desiderare nos: quod & nostro flexu ad optima quæque tenerum adhuc dirigi poterat, & miserrimum hoc ipsum esse oportere existimari, cum amissimus id, quod esset omni obtrectatione maius. Eam, dii immortales, ætatis innocentiam, quæ hoc, quod maximi beneficij nomine a vobis naturæ nostræ exhiberi potest, huius florentissimo vitæ vix degustato cursu, nullo suo merito crudelissime spoliatur. An vero & suæ duritatis conscium fatum fuisse censeamus, quod ea illum ætate rapiat, quæ vix sentire iniuriam, lamentari non admodum, exprobrare nullo modo possit? Quare cum neque pro re fatis ego conqueri, neque pro pietate me quisquam valeat consolari, cui mœroris acerbitas, iacturæ immanitas ignota sit: neque nota esse queat ulli, qui pater non fuerit: qui non hic pater fuerit: qui non huius demum fuerit pater: hoc postremo pietatis meæ momento quæso mihi deprecari liceat illud a vobis, CIVES, vt neque

me hac in conuestione ambitiosum existimetis, neque pro rei magnitudine aut verba facere, aut vultu præ me ferre aut intellectu sentire satis potuisse. Atque vt inde tandem doloris immensa vis orationem meam sinat proficisci: rerum natura parens, cum mortalis huius vitæ nostræ fomenta multa ac magna instituisset, cælos ipsos præesse voluit auctores, atque moderatores vniuerso terrarum orbi cæterisque elementis: in quibus tanquam mens aliqua ingens atque immensa, omnia capiens, ab alio nullo capta ipsa insinuaret atq. immisceret sese ad ea constituenda, quibus omnium vices atque nexus inter se continuarentur. Ad quæ conficienda cum motus rationem quasi suarum functionum socium quendam ascripsisset: apposuit & locum, tanquam matricem quandam corporum, cuius ope ad ipsa munera obeunda fouerentur, atque adiuuarentur. Cui loco tantum attribuit facultatis, quantum par erat a cælo defluere: vnde omnia eius imperio atque præscripto agenda essent. Quare cum rite, tum sapienter fecere maiores nostri, qui cum viros fortes laudandos suscepissent, rati id maximum ad suarum virtutum incrementa adiumentum allaturum, a terræ sinu illo, in quo orti, in quem excepti essent, vbi primum hausissent cælum, orationes suas auspicari voluere. Cui terræ tantum esset attributum, vt & parentis sanctissimum nomen nobiscum haberet coniunctum, atque commune: quo patria diceretur: & nihil esset, quod a fortissimo viro vel dici sapienter, vel prudenter agi, vel etiam fortiter geri possit,
quin

quin illi gloriæ laudisque participatione reponeretur. Quo me igitur vertam, CIVES? ubi natus fuit AVDECTVS CAESAR, cum locum laudem? in quo particeps factus est diuinitatis exortu suo? an vnde oriundus erat (hoc enim solum verbum, me miserum, patriæ superest calamitati) generis semina commemorem: quæ occultis tractibus a priscis proavis repetita, seros etiam in nepotes radices agunt? Galliae ne igitur dicam laudes, an Italiae? At enimvero deterritus magnitudine iustæ laudationis, quæ argumenti nostri splendori apparabatur, quibus animi viribus, quibus temporis fretus spatiis, cogam in angustum duarum excellentissimarum gloriam provinciarum? Quarum vtræque cum fortissimos extulerit viros, vix satis tamen fortiter fecisse videntur illi, ut secundum patriæ dignitatē dimicarent. Cum multos & olim procrearint, & in præsentia non paucos alant eloquentissimos: nullius vnquam oratio earum gloriæ par esse potuit. Dicam ne illas igitur eo fato ab ultimis elementis ipsis exorientis orbis comparatas atque constitutas, ut altera omnium nationum domitrix, altera dominatrix exstiterit: altera alterius victrix, altera alteri obtemperatrix: neque enim hæc ab alia vinci potuit, neque nisi ab hac illa superari. Cogitate, CIVES, atque respicite pulcherrimam, opulentissimamque Italiae partem a maioribus vestris conditam, maximas, fortissimasque Galliarum nationes a nostratibus colonis instauratas: communicatum robur: temperatam animorum vim; dispersitos mores, humanitatem, mansue-

mansuetudinem. Repetatur a vobis cum veteri, tum recenti memoria virtus vtriusque gentis pat: constantia, fortuna, redditæ clades, recepti triumphi, vindicata libertas vltro citroque, pacatus ardor adeo, vt satis sibi accessionis putaret factum, si æmulatoris iugum depulisset: abundeque alteri censeret imperare sese, si ei non seruiret. Quod si non solis virtutibus, quemadmodum plerique sapientum, vitæ nostræ rationes putemus: vultis fortunæ, quæ appellant, bona deinceps cōmemorentur: vultis vtriusque opulentiam, siue metalla intelligatis, siue aliarum rerum copiam, quibus vsui ac decori, quantum natura exigit, indulgemus? Equorum armenta bel-latorum, vrbes ingentes, bene munitas, frequentes, bonarum artium plenissimas, amplissimos senatus, tutissimos portus? Iam ipsum vber agri latissimum, feracissimumque, ac prope aureum, in vtraque simile atque æquale. Quid enim beatius campis istis prouinciæ Narbonensis? quid toto Belgio opulenti-us? Quid fertilius Liguribus Taurinis? quid pin-gulus tractu illo toto, qui inter Apenninum, atque Alpeis Rheticas innumeris fluminum flexibus at-que anfractibus irrigatus, Eridani regis imperio pa-
rer? Quid vtraque in terra, & Gallia & Italia Vene-torum angulis vberius? vt profecto cum nominum coniunctione, quæ nomina mortalium casibus, locis illis contigerunt, natura ipsa pari conatu studiose certasse videatur. Priuatim vero quæ ciuitas olim debebatur, huic nunc nouo cœlitum ciui, ea ciuita-te quid amœnius, quid pulchrius, quid magnificen-tius?

cius? Quæ enim omnium, quæ vsquam extant, urbium cum VERONA, siue situm contempleris, siue cælû admireris, siue natalia putes, animorum robore, corporum dexteritate, fortitudine, splendore, simplicitate contendere ausit? atque eius quidem excellentiam cum contemplor, CIVES, video BRENNVM illum fortissimum gentis vestræ ducem, generis nostri auspiciatissimum conditorem, non temere tantis exercitibus & victoribus & inuictis, præfectû fuisse. Etenim memoria repeto, mirificis illum cõsiliis post tot, tantasq. extructas vrbes, Comum, Bergomum, Cremonam, Brixiam ipsam, illas aliam alia de causa variis vocabulis nominasse. Tandem vero posita VERONA, eam vnâ omnium dignam iudicasse, quæ de suo nomine BRENNONA dici mereretur. Nulla extat urbium Italicarum, quæ salubriore cælo ambiatur, quæ clementiores despectet colles, effusiores subiectas planities, patentiores campos, vallium excursus viridiores. Nulla, quam æque nobilis amnis interluat: neque enim vlla est in re cum amœnissimo Athesi Tiberis conferendus: non vsus, non celeritas, non tractus huius ad illius commoditates, impetum, magnitudinem accedere potest. Ipsa vero ædificia quibus cedunt? omittamus theatrum, cuius ruinis paucorum, quæ toto orbe terræ visuntur, miraculorum non numerus modo, sed maiestas quoque merito augeatur. Spectemus tot illustrissimis pontibus domitam fluminis impotentiam, iunctamque cum Gallia Venetiam. Ibi suum in sinum ipsa vrbs media fedit, horum bellicam
K
gloriam,

gloriam, horum diuinam sapientiam, quasi iustissima quædam mater recipiens, referensque in ciuibus suis, omnium gentium tum humanissimis tum fortissimis, tum etiam sapientissimis. Quod si, ut plerique putant, nobilitatis vis in bellicis exercitiis, in venationibus, in vacationibus ab rebus vilioribus sita est: nulla, hac in parte, neque indigenarum, neque exterarum vrbiū cum ea comparari possit. Est ne vero quicquam, quod anteponas BENACOLACUI, toto hoc ambitu terrarum, qui frequentioribus commerciis notus est nobis? Ad animi laxamenta ver perpetuum, hyems pro frugibus, æstas ad messes, autumnus intemperies nulla: piscium generosissimorum elegantia quædam propria, atque natia, nobilissima oliueta, Hesperidum horti incomparabiles, ut neque ex veteris Græciæ insulis, neque ex ea, quæ postea Magna cognominata est, speciosiora poma subuehantur. Nam vini quidem excellentiam illam admirabilem, hoc tanto in mœrore meo, nequaquam ausim commemorare. Age vero gentis nostræ magnitudinem post Romani imperij inclinationem, nulli secundam diu, sæpe etiam multarum principem nationum, qua oratione, quibus eloquentiæ numeris prosequi possim? quæ vetustatis suæ illustrem gloriam, incertum est, obscurarumne an auxerit virtute. Nondum hæc nomina, quæ Comitum atque Marchionum circunferuntur, exortæ erant: & Scaligerorum florebat imperium. Vultis annales nostros afferamus: quos rudes, atque barbaros (ut tunc ea ferebat ætas) vir bonus atque eloquens

quens Paulus Æmilius pulcherrimis Latinitatis donauit monumentis? Hic nunc iam millesimus annus agitur, cum THEODORICVS Scaliger Alani filius in Feltriorum Montium faucibus obiccit sese Attilæ Hunnorum regi, eamque tempestatem in Alatinum, cæterasque oras inferiores depulit. cuius Theodorici opera, postquam Attila in Noricum reuersus seditione militari ob agrariam diuisionem cæsus fuisset, Vetonam ab illo incensam e Tridentinis æcolis, nobilissimisque Euganeorum reliquiis instaurauit. Concurrebant ad auctorem libertatis, salutis præsidem, pudicitiaæ conseruatorem suum vicina nationes: quibus præsentium euasio periculorum futura securitatis opinionem faciebat. Neque enim sine aliquo numine potuisse id a mortali præstari manu, quod vniuerso pene orbi illi communem calamitatem vnus omnium sedare valuisset. Igitur neque veteres similitudines, neque diuersa studia plus poterant, vt disiungerentur, quam illius viri fortuna atque sapientia, vt vnum in corpus coalescerent. tantaque eius auctoritas, tanta virtus existit, vt qui paulo antea cæteris imperare consueuissent, illi vni cederent fortunis, corporibus, animis ipsis: quos ad illud vsque tempus gessissent inuictos. Frequentiore ciuium robore constituto, atque aucto imperio, promotum pomærium est, adiecta ea tum vrbis portione, cuius regiones trans flumen ad orientem pertinent, atque ipsi subiaccnt colli. Itaque imperij nostri vetustatem si memoria complectare, præclarissimarum vrbium natalibus prior est, pene

omnium regnorum, quibus Europæ nationes in præsentia multæ parent, principiis longe antiquior, si merita agnoscamus: cum deorum immortalium consiliis coniunctam fuisse intelligeris. Qui, cum pulcherrima Italiæ parte deuastata, illi regioni vellet parcere, eam pietatem cum fortissimi viri gloria communicatum voluere. Quod enim Leonis Pontificis Maximi diuina maiestate impetratum fuit a barbaro, ab Italica deinceps vastitate vt temperaret, hoc ille armorum, animique vi vicit, atque obtinuit. MæTO TREBELLII Scaligeri virtutem ne an fortunam insigniorem? Is ducentesimo circiter anno post, Vngarorum secutus arma, qui sibi illi illum belli artibus atque opinione florentem inter duces elegerant, atque euocarant, contra Lituanos, ac Prusios, primus omnium Italarum effecit, vt Sarmatarum, Scytharumq. fuga pugna, verissima fuga esset. dicam BENEDICTI superioris auspiciis non procul Adria Desiderij regis exercitum, qui Adriani Pontificis res oppugnaret, victum: eius coniuge, liberisque Carolo Magno redditis, auctorem fuisse tum cõtinuandæ victoriæ, tum augendi triumphi, ac tandem vero funestissimo bello finem imponendi. Dicam ab eodem Magno cum socium, atque amicum appellatum. Dicam huius nepotem ALBERTVM Taxilli regis Noricorum, qui socii sui Desiderij res vellet restituere, impetum tandiu retardasse, quoad Carolus saluberrimo aduentu suo magna manu ingruentium Hunnorum reprimeret excursions. Dicam in tantâ illius seculi feritate ab
ca gente

ea gente ciuilem tum prudentiam, tum comitatem, quæ perraro militarem impetum comitantur, non penitus abfuisse. Etenim NICOLAVS Scaliger, cui virtus cognomen FORTIS fecisset, inter primos apud FRIDERICHVM Barbarussam summa cum polleret & gratia & auctoritate: inuitusque eius iussu multa oppida pontificij iuris expugnasset: victoriarum frequentiam exercitui gratulanti, memorabilem vocem illam ac vere diuinam emisit: Profecto, inquit, commilitones, vincendo perimus. Reddita postea Fridericho pace, transportatoque in Syriam exercitu, Nicolai filius ALBERICVS non solum patris felicissimam, clarissimamque memoriam obscurauit, sed etiam apud exercitum pene imperatoris auctoritatem. huic omnia consilia credi, ipse mature imperia capere, fortissime gerere, belli molem vniuersam sustinere. multa ille ac præclara sine magna manu sæpe, sine imperatore pleraque conficere: sine illo neque Imperator comminisci, neque vniuersus, exercitus moliri prorsus quicquam. Hic ille est Albericus, qui plus tricies extra ordinem pugnavit, semper victor. Huius vnus virtutes satis habebamus commemorare, nisi vtriusque CANIS diuina prudentia, magnanimitas, iustitia, sanctitas ad sese meam vocaret orationem. Te vero, MASTINE Princeps, quo consilio, ac piaculo potius tacitum relinquam? cuius animi ne an fortunæ magnitudo fuerit illustrior, atque constantior, nemo facile iudicare possit. potentia certe tanta exstitit, vt etiam Ludouico Bauaro Imperatori fuerit formidabilis,

qui cum reiectis priscis Regulis ab Italicis ciuitatibus, alios imponderet nouos, Mastini vnus vim neque experiri voluit, & vltro obtulit, quod alij neque precibus, neque armis valuerant impetrare. Te dicam NICOLAE pic, qui auus fuisti mihi. Te pater BENEDICTE, fulgur, fulmenque belli formidabile, qui iustis praeliis duodequadraginta interfuisti: plus centum excursionibus pro Friderichō Austriano Imperatore, aut pro Vngarorum rege optimo, atque fortissimo Matthia, aduersus Illyrios, aut Turcas praefectus fuisti. Certamine singulari ter ex ferocissima Othomanorum gente cum opimis spoliis florenti aetate victor rediisti. Proh Dei atque hominum fidem, vbi ea omnia sunt nunc, AVDECTE fili? vbinam sunt semina ista ipsa, quae in te quasi diuinitus subactō solo ad clarissimas illas fruges mandabantur? Ea vero cum interitu intercepta sint nobis tuo, quid aliud dicam miser, nisi nos hae desiderare nunc, quae olim fueramus admiraturi illorum morte, siue ea naturae imperio affecti fuissent, siue quam pro reipub. salute cepissent. Carebamus fructu tantarum virtutum, nisi quem eorum exemplo nobis multa cura atque perspectione parabamus. Memoria enim illa tanto erat iucundior, cuius lux etiam post extincti corporis cineres fulgeret. At in te, filiule mi, cum ille splendor sero reluxisset, celerissime extinctus esset, & illorum memoriam ingratam & tui miserabilem fecisti mihi. Quanquam non ego te potius in tuorum maiorum recordatione censeo laudandum, quam eorum fatum in tui spe fuisse

fuisse instaurandum: cuius olim opera, quorum corpora essent deleta morte, eorum nomen in deorum immortalium sempiterna consilia reponendum fuit, Mirabatur natura stupida vires suas: suæque potentiae magnitudinem pleno quasi in speculo contemplabatur. Abstinebat illa, siue oblectatione tam perfecti operis, siue metu: quippe quæ tantam ad molem si semel corruisset, restituendam sese imparerem vereretur. Cum ecce de improviso is luctus non tam præsentibus rebus meis, quam vniuersi orbis expectationi oblatus est: pro qua spe, nihil præter infelicissimam memoriam illius diuinitatis, nihil nisi mæror orbitatis, futuræ solitudinis miserrima cogitatio relicta est mihi. Ergo quid agam primum? aut quid non agam potius? lugeam ne orbos penates meos, accisas spes posteritatis, intercepta cōmoda senectutis? an diuini pueri obitum, absentiamque perpetuo aliquo consacrem colamque monumento? vt quoniam quod ei maximum dari poterat a patre, a me accepisset, vt viueret: hoc cum ab eo sublatum est, quoquo sane possim officio, ac potius pietate resarciam. Fuit hoc in more positum, CIVES, vt in funeribus viri fortes laudarentur: quo eorum iustitiam, temperantiam, fortitudinem, pro exemplo imitandam aliis proponeremus, verum nulla penè vnquam tam solida in quopiam virtus fuit, quin aliqua vitiorum affinitate fuerit adumbrata. Neque enim fuit hoc vlllo, quod equidem sciam, tempore comparatum, vt vni cuiquam vniuersa sint attributa, quæ sua cuiquæ fatorum certa lege, certisque portionibus

tionibus ascribenda essent. Disperitæ virtutes alij occultis vitiis nonnihil vacui sæpenumero reliquere. Quanto magis ætas ista aurea laudanda est, in qua puritatis, atque simplicitatis modus, species, flos ipse enitescit? Nonne iustitiæ pars est, nulli facere iniuriam? At ea iniuriæ obnoxia, nulli rei formidini est. Quid temperantius, quam ab alienis manibus abstinere? Hæc nihil tollit. Quid frugalius, quam victus simplicitate contineri? Hæc præter lac, quid petit? Quid sapientius, quam bene monenti parere? Hac facilius, lenius, flexibilis nihil. Quid Deo similius, quam innocentia? Hæc hoc cognomen vel sola vindicat. Erat ille in hac ætate omnibus mortalibus communi, quæ aditus vtriusque fortunæ quidam est. At ea in ætate ita agebat, illi ut imperare posse videretur. Risus iucundus, sed non effusus, prudentiam lenitate conditam pollicebatur: obtutus gravis, ac virilis, frons regia. Iam osculum illud diuinum, modicum, pusillum, verissimum, præsentissimumque signum temperatæ atque prudentis orationis: iam tempora caua auitam sapientiam promittebant: modicellæ aures, humanitatem. iam tota facies castra meditabatur: sed illa prisca, frugi, composita disciplina militari. Iam ad armorum fulgorem quæ exhilaratio? quæ lætitiæ? quæ exultatio? Iuro vobis, C I V E S, per miseras meas: cum clangenteis tubas ad explorandam animi firmitatem semel atque iterum admoueri iussissem, vltro in earum sinum ac fauces manusculas inseruisse. Tantum absuit, ut deterreretur. Si quis esset (vti fit)

obortus

obortus fletus, non cibo, non crepundiis, non munusculis aliis potius, quam venaticorum canum interuentu sedabatur. Munditiarum vero aut præses, aut certe comes futurus fuit. Est in ea ætate, quod a fœtus primordiis excrementa concepta perpellat ad cutem. Ergo neque nutricis operam, neque medicorum manus quicquam moratus, vltro ipse quoquo posset aggressus modo exscindebat, neque futurum dolorem veritus, neque vrgentem curans, sanguine suo fluente nihilo factus commotior. Sunt hæc parua: sunt, fateor, tanto quæ in cœtu hominum commemorantur. Cæterum, ô C I V E S, omnium virtutum modica initio species, perpusilla semina omnia sunt: quæ vel in vobis ipsis dedere specimen tantî decoris, quantum in fortissimis ciuibus dii immortales esse voluere. Sed milites viros etiam fortes atque audaces refugere dolorem ipsemer hisce oculis vidi. Ille contemnebat. Sed audio etiam philosophorum nomine dignatos, qui summum malum ponerent in dolore. Ille irridebat. Denique natura plene præstare non poterat, quod in eo pollicebatur. Sed enim aut mentiendum erat ei: aut nos promisso viro defraudandi. Quæ si a mœroris mei impotentia redarguatur, respondeat, opinor, satis fecisse sese: si, quantum potuit, effecerat. Quid enim, inquit, amplius dedissem? putasne veram ad frugem tanta semina peruenire potuisse? Infantem luges: at vir mortuus est. Fatum in eum grassatum est, cui providendum mature fuit, ne ab illo diuini animi libertate superareretur. O peruersum fatum, atque inui-

L dum,

dum, atque inhumanum. Aut moderatius cœpisses, aut fidelius p̄fecisses. Nunc vti demolirere, pulcherrimum ædificium extruxisti? Quod si de rebus humanis sublatus, nullius præterea mortalis indiget testimonij; quid mihi misero restat aliud, quam illius memoria: sed & sola & soli? Qui siue improbus futurus fuerat: hoc ipsum doleam necesse est, exprobrari ab illo posse fati ipsis, ab iis sese cum factum, qui emendationis indigeret: sin bonus, quis me, amisso tanto naturæ pignore, tanto in desiderio consolabitur? Dicent finiri labores morte: tum carcerem, exilium, infamiam, ignominiam, ægritudinem, egestatem. Præclarum vero mortis opus, si exitio ipso demum incommoda sunt leuanda, maioreque miseria desinas miser esse. Animæ carcerem appellant corpus hoc: cuius angustiis atque vinculis exoluti animi, experitam in libertatem vindicentur. Verum istorum hominum laudanda sapientia est: qui cœuentus nostrarum miseriæ solent vocabulorum lenitate mitigare. At mihi opificis æterni consilium nimis stulte damnare videntur, qui primis incunabulis mortem felicem arbitrantur. Qui igitur constabit orbis? etiam ne hæc vitæ alia super alia addita spatia pro damno habeantur? Quid? ne nascamur quidem: ipsæ animæ formatae statim, ne corpus, vnde aliquando eximendæ sunt, subeant, in patriam illam illico subuolent sempiternam. An & corpus nostrum hoc, diuina structura concretum, atque temperatione modulatum, supplicij loco datum nobis dicent? etiamne merendum nobis est hoc

ære felicitatis, quam vos maturam mortem appel-
 latis? Ac quanquam omnis vita nostra labor esse
 quidem atque adeo incerto beneficio possideri pre-
 cario videatur: est tamen dei ius quoddam, quo qui
 nondum potitus est, miserorū loco habeatur. Nihil
 enim dissimilius Deo intelligitur, quam id, quod
 nunquam fuit. Qui Deus si incorruptum atque per-
 petuum æuum agitare creditur: iactura est profecto
 illius diuinitatis, non diu exstitisse. Scio illum ego
 humanis exemptum calamitatibus, id iter instituisse
 raptum: quod iter, si optio data esset, ultro fuerat
 suscepturus. Illius florentissimi animi vim atque
 virtutem eo reuertisse, vnde Dei Opt. Max. manu
 emissā esset: ab immortalitate exceptam de illa præ-
 clara, atque ineffabili specula nostratīa hæc omnia
 pusilla atque imbecilla despectare. Non igitur eum
 in me fleo, sed me in illo: cuius equidem casu conci-
 di. Me, me, inquam, fleo, C I V E S, noua mortis con-
 fectum lege, alieno interitu interemptum. Ego in
 illo vivebam: in illo interij: in cuius vitæ spatio me-
 ipsum humanis legibus interceptum futurum spera-
 ram, porro vt vivere contenderem. Heu frustra. Ipsa
 nanque fata, quo vtrunque prosternerent, alterum
 deiicere satis habuere. At quo modo? quæ præcesse-
 rat denuntiatio a diis immortalibus, quod humana
 conditione cōtingere solet, vti imminetia pericula
 caueamus? præuenit calamitas nuntium, præuertit
 metum, occupauit prudentiam, extinxit cōsilia: qui-
 bus casus isti euitari cōsueuere, vt non expectatum
 dolorem amentissimus æquaret stupor. Quemnam

igitur æquanimittatis portum pararim mihi? Quod finxerim profugium? cui tam vasta tempestas, tam repente exstitit, vt per sese miserum naufragium omnium miserrimum fecerit. O dij immortales! Vbi ego tantum suscepi flagitij? quam in me admisi culpam? quid tantum illo deliqui die, quo me alienum scelus atq. væcordia sæuissimo nuntio exanimauit? Ac nihil ille, fateor, amisit: qui nunc nihil potest amittere. Magnum enim ius adeptus est firmissimæ libertatis: qui omnia nunc infra sese despectat, aut possidet, aut contemnit, aut miseratur. Ego alia ratione, illum cum amisi, nihil præterea possum amittere: cui nihil, ac ne meipsum quidem quicquam reliqui factum sit. O me infelicem! quippe neque aliena, neque mea iam mihi vita vlli vsui futura est. An vero ius suum mors ita voluit non persequi, sed prorogare, vt bis me alieno scilicet seinel nunc, atque meo iterum olim fato posset interficere? Atque equidem quanquam meipsum ita censeo cõstituendum, atque confirmandum, vt nequaquam sordidiorum more dolori mollius cedam: nolo tamen non hæere mihi memoriam amissorum viscerum meorum: siue quod illa fuerunt mea, qui est communis omnium animantium sensus, ac dulcissima naturæ commendatio: siue vt, quo possim modo, factorum vlciscar crudelitatem, quæ cum eius corpus ademerunt mihi, speciem saltem relinquant, vel inuita. Et quoniam illius vitæ officia sua, nostra cum fortuna non licuit cumulare, non deseret me voluntas hæc, quæ fortunam nostram ad illius interitum adiungat. Hoc de-
mum

num solatij contra raptores habeam, quod cum neque ex natura rerum amplius possint tollere: & suas vires in illo exhaustas mœreant: si de meo animo etiam hoc cum doloris maximo sensu nequeant abolere. Erit enim hic ipse animus excindendus illis, vt prorsus penitusque diuinum in caput illud potuisse videantur. Ergo quærendæ opes fuerunt mihi, ambiendæ amicitia, capiendi magistratus, suscipiendâ ingrediendaque ratio tantorum studiorum, quibus olim non possem frui, cum me mihi ipsi earendum esset tandem? Mene tibi spes meas fingere, charissime fili mi? Mene tibi destinare cogitationes? Mene parare tibi in literis locum, quo me anteuertes? in re bellica statuere sedem, qua maiores illos tuos antecesses? At tu nunc contra miser, hoc in vitæ curriculo secutus es illos, nos antecessisti. Antecederes vtinam, non raperere. Fraudasti infelicissimi patris genium, turpasti caniciem, attriuiisti vitam, qui fortiter aliquando mori poteras, morte ipsa tibi parere immortalitatem, mortē immaturam passus es tuam ipse, meā mihi seram, seipsam vt maturaret, effecisti. Si te hoc manebat fatum: neque vlla aut vi aut prudentia humana vel retundi, vel corrigi poterat: tanto minus tolerabile iudicetur, quod & asperum est, & fuit inexorabile. O vere crudelissimum fatum! quibus te armis arcere, quibus beneficiis poteram delinire? quibus nunc insectationibus vlcisci frustra? Quid agam? quid comminiscar? Quanam haecenus decursa vitæ huius interualla respicere mens mea possit? quid in illis vsquam boni vel ab ipso

lucis huius ingressu ultimo recordari, cuius comparatione cum hoc tanto casu incunda sit mihi ratio consolationis? O fors fortuna! vincamne te sponte mea morte dolorem delens? atque ut ne supersis tu, ego desim potius? an exuam pietatem meam oblivione pertinaci, ut tuam quoque impotentiam eadem? Audebis ergo etiam id obicere mihi, ingratum animum esse meum, qui id fleam, quod ademeris: quam pro eo habeam gratiam, quod dedisses? ergone, ut posses lædere, gratificasti? vosne datis beneficium, ut interficere possitis? an speciosius illud fuit tibi, cum maluisti potenter, quam misericorditer agere. At enimvero in nulla potentia quicquam turpius existimandum est, quam metui velle, etiam ab innocentibus. Hoc fortasse excusemus te, non abstulisse quem nondum dederas. etenim, crudelis, neque dederas, neque non dederas, quem ostendis tantum, non dedisti. Iam ego abs te non repeto filium pater: naturæ leges de te repeto. Da illi vitæ spatia, cui vitam dedisset illa: da pignoris usum patri, cui illa pignus obtulisset. Quare protulisti, nisi ut illuderes? quid mihi poteras mali dare, si bonum illud non dedisses? Ego te, crudelis Fors, sic appello liber. Ille abs te per vim raptus, sine te sic alloquatur: Quid me reuocas improba, quem nondum emisisti? Num si mortalem me feceras, etiam qui nondum exstitissem, extingueres? Nam te quæ repulit pœnitentia? Quid egi, cum hoc supplicio tibi videor dignus, quod carere vita nuncupant? Audio enim vitam esse nescio quam: eam tu tribuendo, si beneficij

ficij in loco ponis: auferendo, quid tibi nominis impones? Anne & hocce legibus vestris sancitum est, vt qui innocentem interficit, non sit nocens ipse? Erit ne tandem apud te, quo cadam, cui non fuit, vbi consisterem? non hanc petebam vacationem, non hanc immortalitatem: vsuram temporis cedo mihi, quam etiam scelestissimis concedebas vltro, vti fierent deteriores. Etiam ne nascenti mihi vitæ auspicia fletum esse voluisti, vt eius esset futurus hæres pater? His te appellat aureus puellus ille. Responde illi fera, quæ amentia mea non potes exsaturari. A me crebris diuturnisque appetito calamitatibus, iactato tempestatibus, oppresso ruinis, teipsam irrisam, spretam, contemptam, victam, conculcâram sæpenumero vidisti, despectam semper doluisti. Credo, te magno animo, sed maiore infamia vltâ es. Ecce, si pro supplicio, superstiti relictum est hoc minus dimidio vitæ mihi: quare multi boni viri, bene de hominum vita meriti, consimiles atque pares pœnas luunt? Proh Dei atque hominum fidem, quæ portione mecum decidisti? Ego cum tota spes mea, mei maxima perierit pars, non putem faciundum, vt totum tempus hoc, quod illius vitæ iure ac merito attributum decuit, diuinæ eius memoriæ saltem transmittamus? Equidem aliquando meminisse videor sapientum sententiam fuisse publicis mortaliū receptam iudiciis, atque consensionibus approbatam, sociale animal esse hominem. Cœtum, consiliorumque ciuiliū certa profecto pars est. Quanto igitur magis homo idem familiæ suæ caput

censeatur

conferatur: cuius corporis membrum si amittat, non iam civilis societatis solum, sed hominis etiam partem perdere videatur? iam miser sentio maximarum fortunarum esse non posse iacturam parvam: neque iudicari felicem decere quemquam, qui non idem beatissima quæque valeat amittere. Audio Catonem virum fortem, audio Anaxagoram acceptis nuntiis de morte liberorum, illum publici muneris, hunc pristini vultus nihil immutasse. Diunos profecto viros. Sed quis nostrum inexplorato insciens affirmare ausit, tantum eos cepisse detrimenti, atque nos? Ac tamen si sua cuique damna pro opinione maxima sunt, atque gravissima: erant illi tamen tales tantique, ut cum magnitudinem suam contemplerentur, aliorum despiciere paruitatem possent. Ego contra, certo scio, naturæ factam iniuriam: quæ si nostrum altero carere debuit, illum amiserit potius, me ei impare atque inutili retento. Quamquam non video, viri isti, qui pro Repub. nihil non auderent, facerent, molirentur, quo animo Reipub. ipsius saltem non dolerent vicem. Sciebas, inquis, te mortalem genuisse: at speraras eam mortem suam Reipub. debitum persoluturam. Audiant Lacænam illam viraginem: cuius vox illa immortalis facta est: idcirco, quia filij vitam patriæ suæ firmitati consecrasset. At philosophorum istorum inania nomina: durissimorum hominum rusticam asperitatem! Satis sit vobis hominem exuisse: satis sit naturæ vim attulisse: eius leges perrupisse, refixisse: eam ipsam interfecisse: etiamne eius spolia in aliis detrahere, etiamne

etiamne in animo meo lenissimo atque humanissimo eius naturæ spolia legere paratis? At quanti tandem putatis esse vestros, vos? esse vero totos vestros? nihil ne humanitatis neque aliis impertiri, neque retinere vobis? Illud igitur liceat ad hunc modum iactitare. Liberorum meorum, quorum vitam mortalitati meæ substituissem, mors mihi nō fuit gravis. Eam ego animo tuli forti. O hominem ferreum potius, quam fortem! Quid sibi volunt aliud lachrymæ nostræ, hoc est, humanæ, quam testimonij locum? Mollis esse animi dices. nōs tuum ferum. Fractum obiicies: agnoscimus civilem. Non est imbecilli, sed lenis: non abiecti a fortuna, sed in fortunam erecti. Quæ hoc sane modo sentiat, cui fecerit iniuriam. Et enim istæ gravitatis partes, quarum artibus ab ipsa natura sum imbutus, non committam, ut ab aliō inagis, quam a me agantur liberaliter. Hanc vero lenitatis personam, quam mihi imposuit necessitas, etsi inter mortales casus sæpenumero quasi spectator in aliis pie admodum contemplatus sum, in me tamen expertus sensi, quam recte me in officio pietatis debuit continere. At enim vero hoc sic aiunt. quod mutari nequeat, æquiore animo sustinendum. Quid ni? Hoc equidem ago. Nam quid inique a me perpetrari visum est vobis, CIVES? Profecto neque mortem consciui mihi, & tamen non defuit impetus: neque amicorum officiis, quoad licuit, defui. Et alienato animo consternatum me mihi suffuratus fuerat dolor: neque destiti miserissimam parentem composito vultu consolari. Et

erat illud quoque quod dolerem magis: cum ego illius mœrorem quoque flerem siccis quidem oculis, sed inuitis, intima animi vulnera illa dissimulantibus, tanto acriore acerbitate, quod suppudebat me ab illa patrij animi propensione superari. Age vero quid, quantumque tandem istis in cordibus hominum, qui seipsos fortes vocant, æquitatis est? Abiiciam scilicet intellectiōis sensum: vt eodem loco penes me sint, & liberi, & ignoti? O CIVES, CIVES, nemo istorum amentium, qui hanc siliceam sapientiam nobis venditant, nemo adducet, vt credamus, cuius mortem non doluerint, eius vitam adamasse. Quid enim potuerit tantorum bonorum cumulus esse iucundus, cui nō fuerit molesta decessio? Eorum pietas, si inter viuentes nunquam vixit, inter vita functos quibus artibus reuiuiscet? Et repeto sæpe numero, C I V E S, naturæ nostræ semina atque radices: quarum satum cum liberorum nostrorum genius animus noster commiscetur ita, vt pene vnus fiat: atque illo disturbato, nos non concutiamur? Tum autem siue mihi, quod periit, genuerim doleam: siue Reipublicæ, eiusdem causâ non doleam? Alit nimirum dolorem hunc misera solitudo mea. At hic illi insidiatur, totamque de improviso occupat: neque vsquam permittit, vt obliuiscatur sui. Admonet enim aliarum rerum frequentia, quantum abest: sentio tum miser inter omnia non omnia esse: atque ita incenditur desiderium quæsitæ rei, nec inuentæ. Quare quo me vertam C I V E S? quo me vero tandem vertam? si neque in vestrum luce versari per dolo-

rem licet mihi: id quod est acerbissimum viro-beac
institutū: neque per istos, qui sese nominant philo-
sophos, in solitudine agere: quod est miserrimum
homini soli. O miserrimam luctam conculcati ani-
mi mei cum fortuna! O miseriorem, cum seipso, si
hoc quoque secum habeat depugnandum, ne ama-
re liceat id, cuius causa mortalem ipse hanc adama-
bat vitam. Fauendumne tyrannidi crudelissimorum
fatorum? qui inuito malefecerint: iis ego vt libens
paream? liberos sustulerunt: atque auferent charita-
tem? O quis me antea tot inuictum monstris, nunc
vero fortunæ obiectu a priore cōstantiæ cursu retar-
datum, animo fractum, mente exutum restituat in
pristinam sedem consiliorum meorum: quibus &
mihi, & aliis vir esse meminissem? Ea siquidem ani-
mi mei commotio, is teterrimus cruciatus cietur ex
contemplatione maximi ac repentini excidij fami-
liæ nostræ: cuius vis, dignitas, maiestas illo sublato
stare non potest: quo incolumi non poterat labefa-
ctari. At nihil illi iam absenti prosunt dolores mei.
At prodest mihi memoriæ meæ libertas, amissarum
rerum mearum aliquam saltem visionem speciemq.
retinendi. Nam profecto cum bis tum vere filiolum
amissurus sum miser, si iterum meis cum lachrymis
eius recordatio deleatur. Etenim fortunæ seruum si
fuit corpus illud: quod reliquum est, animus sane
meus in dolorem liber esto. Saltem hoc liceat scire
mihi me miserum esse. Esse profecto videtur aliquid
voluptatis sentire mala sua: neque aut præteruchi
cordis quasi auribus obferatis, aut præbere sese otio-

sum infelicitatis suæ spectatorem. Dissimulabo me esse miserum; & fortis ero? Imo vero contra, hoc ipsum aperto vultu asserendū est, id vti simus, quod de sese iactant isti, qui mala sua volunt ignorare. Alam infelicitatem meam? at augebo fortitudinem. Nimis enim angustus animus est, qui miseras suas capere non potest. Quamnam ego adhibebo contumaciam, aut quos tandem spiritus libertatis: siue ab amentia proficiscantur, siue ab animi magnitudine inducantur aduersus tot terrores inuectæ solitudinis, ob quos adhuc in metu sum: ne non satis queam intelligere summam mearum miserationum: cum quibus nullæ vnquam hostiles impressiones conferri potuerunt? Neque enim exilium hoc fatale nostrum quicquam abstulit viro forti. Quippe in eo non corporum extinctionem, sed communem omnibus mortalibus locorum commutationem esse intelligimus. At in filioli mei nece, ne debita quidem olim mors allata est mihi, qua luctuosissimi casus perceptio tolleretur. Allatus est & ille cumulus solationum satis officiose ab amicis: omnia esse mortalia: omnia caduca: alia medio in cursu interciderere, atque intercipi, alia mature tolli: nihil non suo fini occidere: terrarum oras immutari: alibi admitti maria, alibi enatis insulis, scopulisve coerceri. Excelsarum rupium vitia ac yetustates, tum ipsorum fluuiorum mortes narrant. His illi argumentis aggressi mœorem meum expugnare, humanitatis officia exhaustere: sapientia: haud ita multum ostenderunt. Quis enim erit iste amor mei mihi, cui aliena mala affe-

rant

rant fortunæ meæ: commutationem? aduersis aliorum flatibus res meas habeam secundiores? aliorum ego vt casibus erectus stem? at quæ alia belluarum immanitas est? quippe earum commoda nulla sine aliena noxa, atque adeo ex incommotis capi queant. Ah quanto id satius mihi curandum sit (vt aliquam humanitatis faciem in æstissimo in animo meo tueamur) si illorum potius vna mecum doleam vicem, quam prætercurram dolorē meum, propterea quod eius momenta cum publico naturæ luctu sint coniuncta? Atque istos, cum hæc præclara dicta fortiter profitentur, sane tum extra fortunæ telorum iactum deprehendas. Qui simulatque increpuit illius armorum fulgor, nimirum istius mirificæ sapientiæ artes conticescunt. Omittite me, optimi C I V E S, omittite hisce rationibus consolari. Remedia hæc irritant vulneris prauitatem. Quæ enim ad constituendum animum meum apparabantur, ea illum quam vehementissime exacerbauerunt. Quæ nanque doloris faces a tanta lachrymarum vi extinguere non potuerunt, ab istis vocibus etiam atque etiam ventilantur. Ac tametsi vel maximarum miseriarum memoriam componere tempus solet: mihi tamen qua ratione modum potest imponere fletus, cui flendi causam, quæ omnem modum exuperarit, dedit? Ergo hic lachrymarum æstus, qui calore pietatis effervescebat, apud me vnquam senescere, cum vitæ iucunditate in gratiam reuerrere vnquam poterit? verum vnum id restat mihi, vt hac conditione fruatur: in qua mortis contumelias, quas in aliena iniuria detestor,

ut hostes, in meis malis implorem, ut remedia. Iam iam animo meo charissime fili mi, neque superest quid pro me dicam: neque quid pro te conquerar reliquum video. Parentatum est enim manibus tuis non pecudum sanguine, sed acerbissimo interitu consiliorum meorum. Vos Deos immortales appello, si hoc vestro numine commissum est: hoc vos si commenti estis, ut me perderetis: agite & hunc integrum de me triumphum, quem equidem non nescire videor, quare tantopere despiciatui habeatis: minus enim gloriæ minori e facinore estis reportaturi. Quo me cōferam? quo confugiam CIVES? quid implorē? Quæ spes ut velim vivere, me teneat amplius, debilitatum, desertum, desolatū, deiectum, oppressum? Cuius in sinū acerbissimi doloris fomenta, atrocissimæ fortunæ iniuriam, immanissimæ calamitatis memoriam deponam? Temporis ne? At eius perfidia nota est nobis, siue ipsum sese nolenti atq. inuito addidit mihi, siue filiolo meo subtraxit nec opinanti. Deponam in amicorum consolatione? At qui vulneri medeantur, cuius non notam habeant immanitatem? In meane sapiētia? At in homine mortali quæ vnquam inuenta est? &, si in vlllo est vsipiam, ipsa cum pietate humanis in animis nonne conspirare debet? Quanquam te, Audēte fili, extra huius miserix positum regiones spero cœlitus haurire fletum miserrimi parentis. Quo cum fletu quoniam suauissimam tui consuetudinem Fors improba commutauit: non committet pater, ut breuius sit mœroris sui tempus quam tuæ vitæ spatium sperarat. Heu spes
inanes

inanes nostras! Heu falsas spes! Heu interemptas cogitationes! Nam quid ego miserrimæ dicam matri? neque medicamentis morbum tuum, neque animi robore periculum depellere valuisse: neque pro iure humano, pro ciuili, pro patrio iure satis doluisse, & huiusce vitæ cupiditate captum sequi te noluisse? Quid ego germano fratri tuo lectissimo puero referam, vbi sis? quem ille de me identidem rogitando reposcet, scio. Narrari iubebit, quid te factum sit. Quid ei dicam? reuisamne penates meos? At illi suam lugent orbitatem. Confugiamne ad templa deorum immortalium? At eorum inuidia leuari nullo modo potest. Amplius ne ad ædes reuertar meas? At illæ filioli mei madent sanguine. Hauriam ego præterea in illis spiritum, vbi ille amisit suum? etiamne hoc os funestum, atque impudens ostentem cælo, testerque vitædo, esse aliquid, quod plus quam tu, placuerit patri? Non placet hæc vita fili mi: neque enim ea fruendum est importuno senis: qua ætas ista pura defraudata fuit. Quid te ego hic exspecto? aut quid me tu expectas? tandiu, neque nunc protinus amplecteris? Quid naturæ imploras fidem? quæ me iure suo destinabat eo, quo tu per iniuriâ es detrusus. Postulemne, vti descendas huc, vbi me retineas? aut vnde me tecum auellas, atque abstrahas ab iniuria sceleratissimæ immanitatis: quæ in te summam potentiam voluit experiri. O insignem mortis, o barbaram feritatem! cuius impetum neque ille innocens potuit deprecari, neq. ego nocens adipisci. Cedam præsentī furori tuo: quæ naturæ iura dissol-

dissoluisti. Cedam tibi ciuium frequentia: quæ tam dira solitudinis iugum imposuisti mihi. Cedam ciuili nitore cultus: quæ perpetuo luctu animi mei splendorem extinxisti. Cedam vita hac, qua me in liberorum meorum ruinis obrutum exuisti. Vos vero felices auroꝝ animæ, recipite nepotulum in sanctissimum illum vestrum regium senatum. Augere istic diuinum illud concilium: cuius magnitudinem ipse in terris fecerat inuidiosam. At vos recepti sedibus patriis manes, noui ciues cœlites: tu sanctissima animula, cuius in sinu senectus nostra debuit conquiescere: aspice orbem parentem, sordidatum, confectum, amenitem, sibi omnia, suæ viuacitati dira omnia imprecantem. Aspice turpatam perpetuo fletu, atque insolita illuue caniciem: pertinaces annos incubantes alieno vitæ curriculo, id est, tuo: neque ignosce desertori. Repete a me inutiles dies hos, qui concisæ isti ætatulæ iure optimo adiungendi erant. Vos vero pij C I V E S hoc vnum postremum concedite saltem: ne omnia simul mihi ablata esse videantur, vt qui interempto filiolo ingratus, insolens, importunus superstes sum, mihi mœror atque luctus sit superstes. Profecto lachrimæ tollantur, gemitus, lamentationes: siue hoc temporis imperio, siue alterius fortunæ iussu: lugendi tamen mihi erit perpetua cāssa atque sempiterna.

CLARITAS ET VETVSTAS
S C A L I G E R A E
G E N T I S.

Ex libello Iulij Cæsaris Scaligeri de
Regnorum euersionibus.

PRIMUM aspice, quò robore, quò fauore cali
A Scaligero est Attila depulsus Alano
Tum Carniola principe, totiusque tractus,
Qua Tirolia rigidis cervicibus Alpes,
Et Feltria canet Borealibus pruinis.

Quando Hunnus ab ignobilibus ruens Iugris
Dirus Venetum agrum est populatus vniuersum,
Verona quibus tum vetus occidit ruinis.
Seruata tamen corpora ciuium potentum
In valle Poliz eliaque Ananiaque
Urbi renouanda, satiusque munienda
Pleno populi dogmate principem crearunt.
Theodoro pater erat hic, Theodoricus illi.
Quamquam ambigitur, filius, an pater sit iste.
Nam Paulus utrunque Æmilius monet referri,
Deprompta libro: quem, ut retulit, fide vetusta,
Incude Latina, igneque, Noricum recoxit.
Nam Torellius omiserat ista Saraina,
Blondusque aliena ex aliis flamina texens:
Næsti carie monumenta exesa procaci.

*Venalis item penna Sabellij Latronis,
 Qui dat, adimitque, vs libitum, cuique quod vult.
 Falsa qui rogatus vnde nam tot esset ausus:
 Monstrans Venetum perditus aureum numisma,
 Te, inquit, quoque lux hac faceret loqui, si haberes.
 Sic quidam mera Monachus fax cucullionum,
 Alberto cui pecori nomen est Leandro,
 In gratiam, opinor, eorum, quibus studebat,
 Defecisse blattit genus hoc Scaligerorum:
 Cum multos alat etiam Germania, partim
 Nostros patruales, alios minus propinquos
 In montibus iis, Carnia quis turget, & illis,
 Quis gens Italos Norica determinat agros.
 Iam cesset, rogo, qui timet, in metu esse, ne quis
 Nostrium repetat militis sceptrum vetusta:
 Quis agre peregrina, precarioque nutu
 Patet aura. humilem trahimus spiritum miscelli.
 Hoc quod sum, esse satis. satis illud est fuisse.
 Hoc in senio, his articulis debilitatis
 Ad bella trahar, sapiens vnde me recepi?
 Defessus inani, dubiaque opinionum
 Et congerie, & murmure, mutuaque strage,
 Cum Philosophi de nihilo vsque velitentur,
 In ruris amœni nemora, anguli beati
 Abdor. sepelit mens tepido calore curas,
 Flundens saturas otio ab imminente nugas,
 Addens Anapaestis metra syzygi Chorei.
 Et Scaligeros sanguine comparem penates?
 Me iam ad reliquum historiae conuerto vetusta.
 Est Dalmatiae non noua ciuitas Salona,*

*Quam feruida successibus elata secundis
 Bello ausa ferox Gottica tentare libido.
 Ibi Mauritius vi temerarius inuenta
 Cecidit. Pater e praesidio euocans propinquus
 Ortum ex minima filia Abellia Alaricum,
 Et Scaligero Antenore, vicit acer hostes.
 Mundus is fuit nomine, filius Quirici.*

*Polonia, cui planicies nomina fecit,
 Sub duce steterat nomine Zelio, priusquam
 Acer regia stemmata Misca vindicaret.
 Is Zeli Agnetem habuit piam sororem,
 Quae Scaligero nupta ferociori Olao
 Ei Nicoleon peperit cognomine Fortem:
 Desiderij qui ad vada sudit Adriana
 Secus Eridanum exercitum, & extulit trophaeum.
 Huius soboles Marticola Albertus atroci
 Horas animo interritus, infractus ad omnes,
 Turmas, pedites, agmina Taxili ferocis
 Sistit, cohibet, praecepit, haec tenus retardat:
 Donec Carolus adueniens reapse Magnus
 Palmam dubiam sustulit, ediditque certam.
 Virtutis itaque impanide, atque amoris ergo
 Bulzanum imperij ex patrimonio vetusto,
 Praeter vetera stemmata, sibi iussit habere,
 Verona ut hoc tempore praefixa videntur.
 Haec munera ita a principe praerogata magno
 Berengarius ut labefecit, haud ita post haec
 Ab Othone fuerunt meliora restituta,
 Desponsa Emero coniuge Saxone Emetilde.*

Hinc Trebellius, Hungariae e sorore Regis

Petri est genitus, quæ fuerat nomine Balda.
 E Dalmatia Zolomeri huic filia Regis
 Nubit. Patris hinc indole Casimirus alta
 (Nomen genitricis posuere scripta nullum)
 Ansaldum, & Othonem generat. deficit ille.
 Hic quatuor illustribus, integerrimisque
 Specie, moribus, animo, liberis tremendus,
 Christophoro, Clemente, Georgio, atque Marmo,
 Vinxit stabili fœdere Noricum Bohemo.

Hinc Christophori soboles Nicolaus alter,
 Exemplar honoris genuit sibi Albericum
 Ex eximia Virgine, nobili, vetusta:
 Quæ proxima consanguinitate Barbarussa,
 Iohanna vocabatur ab ultimis Suevis.
 Is fortiter unus agens, tot retulit armis
 Belli præmia, proposuit quot inter omnes
 Certissima militia lima Barbarussa.

Multi interea belligeri existere nostri,
 Andrea, & Alexander, Adolphus, & Philippus,
 Et Wolphus, & insignis Amanilaus oris,
 Polacæ soboles genitricis Edmundæ,
 Alter facie & robore visendus Achilles.
 Qui, Cocles uti, Sarmatici in ponte Tibisci
 Turmas Bulgaria repulit, distinuitque,
 Ad signa sui quoad iterum colligerent se,
 Palante metu quos male dissipat hostis:
 Quos fama tamen immerito obscura recondit.
 Nam traxit eos Italici gloria Martis
 Retro, pectora barbarico illusa tumultu,
 Insensaque magnopere Græculis superbis,

Byzantiacus quos Latiae induxerat ora,
 Hexarchi titulo, animis, factisque tyrannos,
 Alberti hinc duo, tresque Canes, duo Viselli.

Quorum alterum habebat sibi Castriocus omnium
 Longe intimum in omni acie, atque expeditione:
 Alter Basilio duce iussa Moscovita,
 Et castra secutus Nouigrodia, Liouonum
 Fregit populumque, & procures repulit armis.

Tum Bartholomaeus Canis inclytum ex Bauari
 Wilelmum habuit coniuge, prole Ludouici:
 A quo Iouis ales sedet in vertice Scala,
 Qualem Imperij retinent insignia totam.

Te, Mastine, canam, & duo sub nomine eodem,
 Quorum puer unus tener anteueris annos,
 Alter genuit consilij feri, ferocem,
 Et barbarico in pectore spiritu Iohannem.
 Similem huic Phrygeam Maria, ignee parentis.
 Fœcundus huic sustulit exprobrationem
 Morum uterus, ut illi legio Martia luxit,
 Nazarius, Andrea, Simon, Petrus, Iohannes,
 Olaus, Americus. Ab his plurima sese
 Fundit natio. Christophorus maximus heros,
 Et Tirolis nuper ut optimas cohortes
 Taurinum in agrum, qua sista Cerosolia vicus,
 Duxit, cecidit fortiter, hacque morte uiuit.

Mastinus ab alta teneram arce Sitzenoffen
 Uxorem habuit, nomine reque Margaritam,
 Ex qua filia nomine nascitur Beatrix,
 Quae propter honesti decus, atque lumen oris,
 Regina vocata est. Hanc variis procis petitam

Dant mollia fata Duci Barnabe Insubrorum.
Huic quinque mares peperit, terque tres puellas.
Quarum talia nomina, fortunaque talis.
Natu placuit Viridem maximam vocare,
Lupoldi Ducis Austria, & inclitæ Bavaria
Claram merito coniugio, meroque amore.
At fratribus & principibus Vindelicorum
Stephano Thaddea, Magdalena Friderico.
Frontemque Valentine operit corona Cypri.
Coniunx enim ducitur illa Friderico.
Agnes facibus clara canenda Mantuanis :
Franciscus fuit etenim Gonzaga maritus.
Wirtembergia ducibus fratribus superbit.
Conrado soror unaque & una Friderico:
Illi Antonia, at huic data es Angleria nuptum.
Angli soboles regia nobilis cluebat
Edmundus. Huic Lucia particeps tori fit.
Catharina Ioannis Galeaccij Insubrorum.
Fert Ducis auspicio bono & aucto omine tadas.
Nanque illius e sanguine bona fata beato
Duxere Valentinam. Ab ea lumina Regum
Et rerum exierunt, quibus ora tota paret,
Quæ Fancigenis debita virtutibus, audet
Decus imperij ad alios promouere fines.
Ex hoc tempus erit tibi descendere calo,
Felcis memor Erato sæculi prioris,
Nunc huius miseri pia, bene conscia fati.
Quare hinc propius nostra referre non pigebit.
Wilelmum sobolem esse Canis Bartholomæi
Supra diximus. hinc series redordienda est.

Wilelmo Bona Nicoleon parit, Pium quem
 Debere vocari iubet baud iniqua fama,
 Sterlinia proles Ducis. Hic dat Benedictum
 Nullis animo Regibus, ætisque secundum,
 Ex Bartholomæa genitum optima Austerica
 Lupoldi Veteris Ducis aurea pronepti.
 Huic Titum parit, & eum, cui dicitur Apollo hac,
 Libris edita pluribus, & reddita fama,
 Lodronia flos, muliebris splendor honoris,
 Comite Paride sata Vetere, mea Beremica mater.

Hinc quatuor, acris totidem fulmina belli,
 Dicam rapido numine, versibus canoris,
 Fratres genitoris, sed eo ætate minores:
 Quorum nomina, quæ inuida nulla tollet ætas,
 Bonifatius, & Hieronymus, atque Titus, atque
 Franciscus honor Martis, item regula pacis.
 Ex quo satus est Marcus, ab aureo colore
 Rufinus erat dictus is, hoc nomine clarus,
 At Scaligeri nomine, nec numine tutus,
 Extincta cupit dum Venetus semina nostra
 Hunc Vincius aggressus in Urbe Mantuana
 Notus publico nomine latro Martolossus,
 Aliorumque duorum ope, Iannarii que,
 Sicarius obruncat in intimo cubili
 Ipsum. dolor heu, filios semisopitos
 Ambos iugulant, Mauricium, Iuliumque.
 Pro quo a Veneto præmia retulere nummos.
 Ferrum hic. Regibus addita Cyprius venena.

Zacchi soboles Tuccius, illiusque frater,
 Ubi nunc? Ubi nunc estis? Ubi indoles serena,

Comis, lepida est? nostra ubi ius sodalitatis?

Me victa nitentis fuga seculi senectus

Quaessisse necem olim, modo sed timere mortem:

Fixisse novos terra Nitiobrigum penates:

In spe dubia, dedecoris metu procacis,

Luces trahere immeritas exprobrare possit?

Quanquam, ut diximus, & piget audire rapaces,

Montana etiam plurima nunc nostra propago

Regnat. Mihi sunt quatuor (hac gratia Diis est,)

Nati indole auita, meliore (quis scit?) astro:

Quorum vnus & alter poterit esse faber sui, si

Qua haecenus est barbara bacchata furore,

Fortuna resorbens refluxum reducat aestum.

IDEM IULIVS CAESAR

IN CARDANVM DE SVBTILITATE,

Exercitatione 260.

IGITVR si temporum in eas rationem, nostra familiaria Cairo est antiquior, aut vtriusque æqualis memoria prima. Simul enim cum Venetiarum primordiis Alani ac Theodorici Scaligerorum mentio fit.

Wolfgang. Lazius lib. xii de Rep. Rom.

Hardwicus Comes a Scala & Burckhausen procreauit Erbonem Burggrauium Ratisponensem, & Botonem Posthumum, qui in Hungariam migrauit; cognomine Fortem.

Vſpergenſis Abbas, de Erbone & Botone Scaligeris.

Horum vtrunque literis & armis atque rebus ſatis profeciſſe cognouiſimus. Attamen Botonem ſicut corpore proceriorem, & elegantiore, ita rebus bellicis præſtantiorem, atque famoſiorem totius pene Germaniæ atque Italiæ teſtatur populus. Pannonia vero talem illum ac tantum ſe fatetur aliquando ſenſiſſe, vt is vere de Gigantibus antiquis vnus apud illos credatur fuiſſe. Friderim mater Erbonis & Botonis, ſiue Friderura, a Retingo filio Botonis filij Retingi de ſecundo Botone nati ex ſtirpe magni ducis Witikindi, qui bellum potens geſſit contra Magnum Carolum per xxx ferme annos, procreata eſt. Witikind enim Immid & Reginbern contra Danos multo tempore Saxoniam vaſtantes pugnavit, & vicit. Hæc Friderura poſt mortem Hartwigi ſtatim viduitatis velamine conſecratur, adhuc Erbone paruulo, Botone imprægnata Poſthumo.

Iohannes Auentinus Annalium Boiorum libro vi.

Erbo in cunis amiſit parentem Charrionum nobiliſſimus Dynaſta, præfectus prætorio Boiariæ. admodum ſenex obiit, anno ſalutis 1102.

Idem in eodem libro.

Sighardus ex Sophia, quæ prius nupta fuit Henrico Duci Chariniano, Burkhardū Regulū Burkhuſianum, Sighardum & Henricum Scalas tulit.

Huius filij sunt Henricus & Sigwardus. Gebhardi vxor Itha, filius Gebhardus nurus Sophia. Atque hic Gebhardus absque liberis maribus obiit, anno, vt dixi, 1155. Burkhufum tum Henricus vndecimus Saxonum atque Boiariæ Regulus occupauit: quam patrueles Henricus & Gebhardus Scalæ superstites forent, quos in Italia consedisse non est vana coniectura.

*Exemplum donationis Regis Bela factæ Philippo &
Bartholomæo Scaligeris, Hunniadum
progenitoribus.*

Bela, Dei gratia, Hungariæ, Dalmatiæ, Croatiæ, Ramæ, Seruiæ, Galliciæ, Lodomeriæ, Clumaniæque Rex: Omnibus Christi fidelibus præsens scriptum inspecturis & lecturis salutem in eo, per quem Reges regnant, & Principes dominantur. Regiæ sublimitati conuenit, omnium nationum, pariter & linguarum gentes sibi deuote adhærentes, taliter providere, vt alij superuenientes, eorum exempla imitantes ad fidelitatis opera exercenda feruentius euocentur. Pro eo ad vniuersorum tam præsentationem, quam futurorum notitiam, harum serie volumus peruenire. Quod cum humani generis sordidis sceleribus præualefcens multitudo inastimabilis rabidæ gentis Tartariæ, nos vna cum fidis & dilectis primatibus nostris extra Monarchiam vsque ad litora Ponti atrocissime persequentes in quandam insulam maritimam repulentes coercissent: de qua etiam vt nos vna cum gente nostra extrahere satagentes, ubi in

conflictu certaminis inter nostros, & ipsos Tartaros strenuissimi viri Philippus & Bartholomæus Scalich de Lika natione, per eorum strenua certamina quosdam primates ipsorum Tartarorum, sequacesque eorum captos coram nobis offerre: alios vero diræ necis exterminio necare, militassent: vbi etiam crebra stigmata & graua sustulere. Quorum ob meritum, donec latiori eisdem prouideamus retributione, ipsos Philippum, & Bartholomæum Scalich de dicta Lika, eorumque heredes & successores vniuersos, de consilio fidelium nostrorum primatum vniuersis viribus, gratiis, honoribus, & insigniis, quadraturæ videlicet cornuum ceruinorum, & signaculorum Solis & Lunæ, cum ornatura nostræ coronæ, & solennium liberalitatum regni nostri Hungariæ prærogatiuis, participes & communes instituimus & facimus, atque in consortium & cateruam, ac numerum Commilitonum nostrorum locamus, locumque eis, ipsorumque hæredibus, & posteritatibus conferimus. Eisdemque insuper castrum Zkrad in nostro regno Croaciæ habitum, per defectum feminis ad Maiestatem nostram nunc deuolutum, cum omnibus eiusdem castri pertinentiis, quouis nominis vocabulo vocitatis, iuribus, vsibus, & fructuositatibus ad dictum Castrum ab antiquo de iure spectantibus, & pertinere debentibus, perpetualiter & irreuocabiliter damus & conferimus. Item in alio loco totam terram ex vtraque parte H v N similiter cum omnibus pertinentiis, & fructuositatibus vniuersis. Imo dedimus, donauimus & contulimus

ipsis eorumque hæredibus, vniuersis, iure perpetuo & irreuocabiliter, tenentes & possidentes, pariter & habentes, & quomodocunque voluerint disponentes. Præscripta autem singula per nos præfatis Philippo & Bartholomæo Scalich pro tantis famulatus eorum clementer indulta & remunerata, vniuersos & singulos successores nostros felices Hung. Reges in Christo Rege sempiterno deuotissime obsecramus, ne cōtemnant nec transgrediantur, quinimo rata tenere, & accepta obseruare dignentur, vigore præsentis nostræ paginæ. Vt igitur præscriptarum gratiarum & donationum & liberalitatum prærogatiua perpetua firmitate solidentur: præsentibus concessimus eisdem, duplici sigilli nostri munimine roboratas: Datis iuxta Boznam per manus discreti viri Magistri Farkasij Albensis Ecclesiæ electi, & Aulæ nostræ Vicecancellarij dilecti & fidelis nostri. Anno gratiæ M. CC. LXIII. Regni autem nostri anno XXIIII.

*Bernardinus Scardeonius libro III de claris mulieribus,
de Beatrice Scaligera Regina.*

Memoranda quoque est hic præcipuo merito prolis Thadeæ Carrariensis felicitas, quæ ut antea dictum est, nupsit Mastino Scalæ, principi Veronæ, cui Patrauium ciuitas dos fuit, anno salutis M. CCC. XXVIII. mense Septembris. Hæc ex Mastino suscepit quinque filias, quarum vna ex Barnaboue Vicecomite principe Mediolani, quæ appellabatur Regina, genuit

nuit quatuor mares, & duodecim fœminas, quarum
vna nupsit Cyprio Regi.

altera Ludouico primogenito Regis Gallia.

tertia illustri Bauaria Duci.

quarta inclito Duci Austria.

quinta Galeatio Vicecomiti amplissimo,

postea Duci Mediolani.

sexta Leopoldo Austria Duci, qui fuit auus

Federici III imp.

septima Duci Bauaria.

oçtaua Fridrico Regi Sicilia.

nona Francisco Gonzaga.

decima Ernesto Duci Monachi.

vndecima Fridrico eius fratri iuniori.

duodecima Dimundo Cantia Comiti primo-
genito Regis Britannia,

Ex quarum generosa prole postea & Duces, & Reges, & Imperatores, qui regnarunt, & ad hunc diem regnant, vniuersi fluxere: velut ex Cybele quondam tot Heroes orti, vt sit ex eo dicta mater omnium Deorum. Nec minus quidem felix habenda videtur hæc, quam Lampito Lacedæmonia, quæ, vt Plinius refert, vna omnium fœminarum felicissima in omni æuo refertur, quæ Regis filia, Regis vxor, Regis mater fuit. Hæc legi in antiquis Chronicis Veronæ, etsi ab his Saraina nouus historicus Veronensis aliquanto dissentire videatur.

De eadem Beatrice paulo sequitur Paulus Iovius.

Beatrix Regina, Mastini filia, Barnabæ Mediolanensi principi elocata est : ex qua plurimas filias suscepit. Ferunt hunc in bellicos sumptus supra trecentas myriadas signati auri expendisse. Sed vel immensas ærarij diuitias vni dotales sumptus exhaurire facile potuerunt, quum numerosam prolem nobilissimis Europæ principum domibus infereret.

Viridem enim Leopoldio Austrio Norici regulo, Thadeam Stephano ꝓ Boiariis Vindeliciæ promagdalenam Federico ꝓ ceribus, Valentinā Federico Cypri Regi collocavit: quum Agnetem Francisco Gonzagæ, Catharinam Ioanni Galeazzio, Antoniam, & Anglesiam Corrado, & Federico Wirtenbergensibus Sueviæ Regulis nuptui dedisset.

Lucia subinde Edemundo Britannia Regis filio tradita, vt in remoto etiam Oceano sobolem propagaret. Quarum omnium dotes cum luculento mundi muliebris apparatu vices centena millia aureorum excessisse constat. Ex Catharina primo partu genitam Valentinam Iohannes Dux Mediolanensis, affinis Facini, Ludouico Aurelianorum Principi Regis filio nuptui dedit. Simul & Asta Colonia dotis nomine Valentinæ obuenit. Ad liberos vero eius hereditatis titulo Mediolanensis imperij iura transferunt.

BEATRI-

BEATRICIS SCALIGERÆ REGINÆ
EPITAPHIUM.

ITALIAE splendor, Ligurum Regina Beatrix
 Hic animam Christo reddidit, ossa solo.
 Quæ fuit in toto rerum pulcherrima mundo,
 Et decor, & sanctæ forma pudicitia:
 Laurea virtutum, flos morum, pacis origo,
 Nobilibus requies, ciuibus alta quies.
 Quam patris extollunt Mastini gesta potentis,
 Verona nuptam, magnificique Canis.
 Barnabas armipotens Vicecomes, gloria regum,
 Natura precium, conspiciuntque decus.
 Qui Mediolani frenos, & lora superba
 Temperat Ausonia: quem timet omne latus.
 Hac consorte tori felix, consorte laborum
 Exegit longa prosperitate dies.
 Hanc Deus elegit, secum periturus & inde
 Spiritus aetherei regnat in arce poli.

EPITAPHIUM
 CANIS MAGNI SCALIGERI
 Sepulcro ejus incisum in æde
 S. Mariæ Antiquæ.

SI CANIS HIC GRANDIS INSIGNIA FACTA PEREGIT,
 MANTVA TESTIS ADEST, QUAM SÆVO MARTE SVBEGIT:
 SCALIGERAM QVI LAVDE DOMVM SVPER ASTRA TVLISSET,
 MAIORES SI PARCA DIES INFIDA DEDISSET.

Canis

CANI SCALIGERO MAGNO.

Ex Heroib. Iul. Cæs. Scal.

*O natum imperiis sanctum caput, aurea secli
 Vena boni, belli & pacis uterque parens:
 Cognato inuicta o Virtus contermina calo:
 O par magnanimo dextraque, mensque Deo:
 Delitæ humani generis, spes ultima rerum,
 Quas fera Fors fati turbine raptâ quatit:
 Sancte, libens cape, quas tepidas tibi ponimus aras,
 Inclitaque astringena stemmata parva manu.
 Et patere exigua hac profugi quoque facta nepotis
 Surgere, qua veteri mole ruente, vacat.
 Nil summum stetit usque, tuo super omnia ductu
 Res euecta, suo pondere pressa iacet.*

Taurellio Sarainæ, & Paulo Æmilio historiæ
 Scaligeræ scriptoribus Iul. Cæsaris
 Scaligeri Eucharisticon.

*Descripsit patrium ignavis qui gentibus orbem,
 Et nostros, patrij qui decus orbis avos,
 Acer iudicio, ingenio Torellus amæno,
 Legibus insignis, nobilis historia,
 Condidit æternos merita Genetricis honores:
 Scaligeros posuit, qui cecidere, lares.
 Non potuit tamen ille suis felicibus horis
 Certius ignotos continuare Duces.
 Quid faceret? toties vario fortuna tumultu
 Dum furit, & miseris incubat hostis agris,*

Tempus edax operit: populatur dira vetustas
Nominaque & saclo gesta sepulta rudi.
Paulus adest, qui facundo detexuit ore
Eruta Germanis stemmata sacra libris.
Magnanimo primum imperium deduxit Alano,
Attila quo Latias tempore fregit opes,
Wilelmum usque ad avum magni genitoris. at illi
Nicoleos fuerat, quod fuit ille mihi.
Pro quibus, o, meritis, quid iam, quid utrique reponam?
Reddere quid profugi sordida fata parent?
Namque hos nec lacrimis pensandos esse labores
Arbitror: & mihi iam nil nisi flere datur.
Premia vos ipsi vobis. opus omnia vincit
Vestrum, quo patriæ reddita vita fuit.

LANVS PANNONIVS POETA

IN PANEGYRICO, GVARINO

præceptori suo dicto, de Verona:

Inde olim vestrum scitis prodisse Catullum.
Plinius inde satus. Sed nunc venit altior illi
Gloria. Scaligeris nec se iactauerit æque
Regibus, & magni Lanis armipotentibus actis.

TESTIMONIA DE IVLIO CÆSARĒ

SCALIGERO.

*Epistola Iulij Cæs. Scaligeri ad Augerium Ferrerium Medicum
Tholosanum, dictata Iosepho filio; quod est postremum
omnium eius operum. Anno Cl. Io. LVIII.*

SCALIGER AVGERIO FERRERIO

S.

QUOD tuis elegantissimis literis non respon-
derim, multas adferre causas possum: sed
omnes quidem, præter meas occupationes. Nam
quemadmodum iucundissima mihi fuit salutatio
tua, ita nihil mihi prius esse oportet, quam, vt om-
nibus omissis, ostendam diligenter & mihi fuisse
honori, & dandam esse operam, vt mutuis officiis
eliciam frequentiore. Cæterum ad hanc vsque
diem, nemo se obtulit nobis, qui isthuc iter faceret,
nisi Quæstorum ministri, quorum tanta est super-
bia, vt præ se contemptis cæteris omnibus pene re-
gnent. Podius vero noster pene prius abiit, quam
accessit. Atque nunc etiam ita scribo, non qui ha-
beam quidem, sed vt ne mihi desim, si forte quo-
piam meliore fato nactus fuero nuncium aliquem
opportunist. Scriptionis vero meæ summa in eo
potissimum versatur, vt quam maximas possim, gra-
tias agam viro de nostro sæculo bene merito Pascha-
lio, qui ita censuerit: me augere posse numerum vi-
rorum illustrium, præsertim in regia historia. Ac
quanquam diuturna ambitione meus animus æger
sibi

sibi studuerit aliquid comparare, quo se humo, vt ille canit, tolleret: sæpe tamen sese respiciens, ac sui compos factus, faciendum putauit, vt iam partæ gloriæ acquiesceret. non quod vel recusem, vel parui faciam, me vti beneficio tanti viri: sed satis habiturum me debere arbitror, si quantus illi modo notus sum, tantum ostendat posteritati. Nam quod tam gratiose atque humane petit, de me vt historiam conscribam, quin ad id adducar faciendum, tres omnino causæ prohibuere. Ac primum quidem pudor ingenuus, & dignus vel familia nostra, vel mea institutione. Deinde quod quam maximis atque illustrissimis de rebus meis vbi narrauerō, tam maxime me dixerint mentiri quicunque tantum literarum cum tanta belli gloria in seipsis coniunctum non esse indignantur. Tertium vero illud est: cum elogio simplicissimo transigendum illi video, quæ ne maiori quidem libro comprehendi possent. Pugnaui pedes, eques, adolescens, iuuenis, miles, præfectus, certamine singulari: in obsidionibus, in campo ciuili, ad ludos equitum ordinarios: in excursionibus, in exercitibus. sæpius vici. aliquando victus sum, corpore non animo: non virtute, sed fato: sed ita, vt etiam aduersi casus ipsi maiori mihi fuerint honori propter egregia facinora, quam ipsis hostibus victoriæ. Loca infinita non designabo. Familiæ nostræ merita a Taxili vsque temporibus erga regnum Gallicum ad meam vsq. operam notissima sunt. Quod si exempla non sunt odiosa, potuerit illius erga me amor eius animum eo impellere, vt

simul & Masinissam, & Xenophontem componat: quorum vtriusque idea vix me vnum exprimat. Vides quam ridiculus mihi ipse factus sim, cum vix centesimam quanque partem delibarim. De his omnibus ita, vt volet. Nam familiam meam quotusquisque doctiorum neget, si nobilitas in vetustate sita est, esse omnium nobilissimam: cuius lux in Alani splendore ac virtute aduersus Attilam primum refulsit. Si ad capita principum spectes liberalium, magnanimorum, fortissimorum; perpaucae gentes cum ea sunt comparandae. Si quis malit intueri cognationes: deductos nos sciat multis ex imperatoribus. Quintus enim ego sum ab Imperatoris Ludouici Bauari filia. Si quid vero conferunt etiam affinitates: quis ignorat Mastini Scaligeri filiam Beatricem Barnabae ducis Mediolani vxorem decem filias peperisse, quae omnes maximis Europae principibus nuptae fuerint: Vna etiam Edoardo Regis Angliae filio: quo defuncto duxerit eam vxorem dux Andegauensum: altera vero Siciliae Regina fuerit? Sed vt parcam historiae, hic est ille Barnabas, cuius fratri nupsit Valentina, & quam honoris causa nomino, & qua nominata finem statuo gloriae nostrae. Nihil enim mihi honorificentius contingere potuit, quam vt essem sub luce Regum Francorum, non solum tanquam ciuis adscitus ab optimo maximo Francisco Rege diuino: verum etiam particeps benignitatis atque pietatis Regis incomparabilis Henrici secundi. De meis vero vel studiis, vel scripturis nihil ad Paschaliū mittam. De iis moribus, quae ad vegetum

rum robur animi pertinent etiam in hac extrema senectute, qui pene octagenarius sum, per pauca poterit, nisi piget. Omitto frigoris, æstus, inedia patientissimum, dies integros laboribus fregisse, noctes etiam continuasse. Hoc multis fortasse commune: illud non fortasse multis: Vespere post expedita diurna negotia ad sexaginta versus commentum esse, deinde cænasse: post cænam dictasse, quæ ad agrotorum postriduanas præscriptiones pertinerent: postea somnum cepisse: summo mane expectatum fremitu nuntiorum, qui opem meam petunt quotidianam, interrogasse, respondisse, dictasse sub prandium usque: meridie pransum, illos ipsos versus, quos vespere concepissem, ad verbum sine vlla hæsitacione scribi iussisse. Qui hæc non mirabitur, fortasse ne illud quidem: decem & septem Æschyli versus semel modo lectos summa fide memoriter illico reddidisse. Habes quæ a Paschaliō humanissimo rogatus, a meipso coactus effudi: non quod digna putarem tanti viri lucubrationibus, atque admiratione posteritatis: sed ne viderer barbaro fastidio tam luculentum officium contempsisse. Vale. Agenno. Prid Non. Iulij.

*Tuus Scaliger aliena manu. mea enim
agerrima hoc tantum subscripsi.*

Notandum hanc epistolam officiosa importunitate doctissimi Augerij Ferrerij a Iulio expressam fuisse. Nam inuitissimus eam scripsit, tribus mensibus cum dimidio ante obitum suum. *Monus*

autem *de pœpitiis* est & *de pœpitiis*, Valentinam nupſiſſe Iohanni Galeazio fratri Barnabæ. Non enim ea, ſed eius mater Catharina illi nupſit, qui erat patruelis eius.

LILIVS GREGORIVS GYRALDVS

DIALOGO PÔSTERIORE

De Poetis noſtri temporis.

IVLIVS Scaliger, qui prius Burdonis cognomine fuit, Veronenſis, apprime eruditus, non ſolum ſoluta oratione, in qua nonnulla leguntur, ſed & verſu quædam cecinit, inter quæ Elyſius (poematis hæc inſcriptio eſt) in quo inſulam Padi Belvedere Ferrariæ Ducis eleganti carmine deſcripſit, & omnem fere Eſtenſium genealogiam. Nuper eius libellum de numeris Comicis legi, mira ſubtilitate concinnatum, adeo vt interdum niſi bene in numeris verſatus lector ſe poſſit explicare. Scripſit & alia multa, &c.

Non Burdo, ſed a Burden cognominabatur.

Eridanum dicebat Scaliger, non Elyſium a ſe nominatum.

Quod Veronenſem vocat, fruſtra eſt. A Wilelmo enim Groſſo deinceps nullus ex ſtirpe Canis Bartholomæi natus fuit Veronæ, ſed in Bavaria & in Norico.

Cælij Secundi Curionis de Iulio Cæſare teſtimonium.

IVLIVS Cæſar Scaliger fuit corpore procero, mea omnino ſtaturæ, recto, ad dignitatem compoſito, colore ſubfuſco, oculis micantibus. inceſſus, omniſque geſtus grauis, ſed ſinè faſtu : veſtitus elegans.

gans ita ipso aspectu principem iudicares. Sermo cæteris respondens, rarus: in quo grauitas cum humanitate & lepore certaret. Sed bene Latine ab omnibus loqui existimabatur. Vxorem duxit nobilem & primariam suæ ciuitatis puellam Aginni, quam Agen vocant Galli, in Aquitania: ex qua aliquot liberos suscepit: quorum maximus natu Siluius Cæsar appellatur: quem viuere existimo.

Julius Cæsar Scaliger exercit. 266.

Paulus a Middeburgo, qui postea Maximiliani Cæsaris beneficio fuit episcopus Foro-Sempronien-sium, omnium sui temporis Mathematicorum ex nationis prærogatiua, facile princeps: is Paulus, cum mihi salutis lauacrum impertiretur, iussit hoc nomine, quo tibi nunc notus sum, nominari. Canem imperarat Pater, ut maiorum suorum quasi inauguratione quadam, si potentia non posset, memoriam renouaret. At Middeburgus, qui meum natalem diem, atque cæli faciem considerasset, hilariore, ut ferebant, vultu: Canes, inquit, tui sua fortunâ defuncti sunt. Hunc dictatorem alterius fari, noui sane caput oportet esse. Quod mihi adulto postea, & quid innuerat, ignoranti sæpe inculcauit, hisce nempe verbis: A T E P R I N C I P I V M.

Exercitatione 315.

Cum Bonifatij patru mei, viri acerrimi atq. fortissimi vererer reprehensionem, non audebam vulnera maximis in periculis vitare.

Verba,

Verba, quæ Iulius Cæsar Scaliger Tumulo suo
incidenda testamento cauit:

I V L I I C Æ S A R I S S C A L I G E R I,
Q V O D F V I T.

Benedictus Scaliger Iulij Cæsaris pater,
ex Heroum libro.

*Euerso patrio imperio, atque illustribus armis,
Scaligerum inuicti post opera alta animi,
Victum ab eo toties fatum superavit: & inde hac
Reliquias tanti nominis Urna capit.*

Bonifacius Scaliger Iulij Cæs. patruus.

*Ergo legens de te scripsi quæ, maxime rerum,
Tanta etiam ut valeant sollicitare Iovem:
Inueni dictisque tuis, factisque minorem
Omnigenam linguam, magnificamque manum.
Quare quæ de aliis summa omnia dixerò: in iis te
Principij ac finis iura tenere, tuum est.*

Titus Iul. Cæs. frater, qui obiit in
clade Rauennate.

*Tunc etiam Hesperius, etiam lugendus Eois,
Heu fratris nomen, Frater, inane mihi:
Ergo etiam terris, etiam lacrimabilis auris,
Amisso vitæ lumine, Frater, abes?
Frater abes, tecumque rapis, quodcunque relinquis,
Nam tecum malim, Frater, abesse mihi.*

Heu

*Heu ubi sum, qui tecum abeo, meque ipse relinquo?
Si quod es, hoc sum: quod sum ego, tu esse nequis?*

Berenica Lodronia mater Iul. Cæs.
Comitis Paridis Magni filia.

*Quod genus, & sexus poterant dare, cuncta ferebam.
At quæ non poterant cetera ferre, dedi.
Ex utero, armorum ac tanta miracula lingua
Prodierunt, ut sint pauca habitura fidem.
Nobilitas, nulli toto quæ cedit in orbe,
Hæc sibi partiri debuit, illa dare.*

Angela Nogarola Iul. Cæs. magna
matertera.

*Sub decimam triplicis linguae commercia Musam
Hoc tenui cinerum pulvere capta iacent.
Heu dulcis numerosque lyrae, flexumque sonumque
Obruit insana barbara Parca manu.
Mnemosynes sancta soboles, pia turba, Camæna,
Non capitis tumultum huic ex Helicone locum?*

Andietta Ruppia, siue de la Roca
Iul. Cæs. vxor.

*Difficilis nimis, expendens nimis omnia, iudex
Asper, & antiquis durior vnus avis,
Morosoque notas animo suspendere suetus,
Magnanimas toto spreueras orbe Deas.*

Q

In me

*In me una lenta illa animi vestigia fixit,
 Rite colens sancti numina magna tori.
 Ne mirere mei caelestia signa decoris,
 Atque cata Paphiæ membra polita manu,
 Mitis honorato faciet sapientia vultu,
 Mistaque cum rara sobria verba fide.
 Magnum illud, per me ille ferox pernicibus ausis
 Si potuit patria posse carere sua.*

Iulius Cæsar Scaliger animæ suæ profecturæ.

*Egredere o miseris multum defuncta ruinis,
 Egredere, & seruis seruilia regna relinque.
 Aude, hospes, tenebris horrendi imponere finem
 Exilij, & patria speratas querere sedes.
 Tristes exuuiæ, falsaque incommoda lucis,
 Isthic nunc, fera turba, iace. nos libera celi.
 Pignora sperato iam iam patiemur Olympo.
 Tu modo, nate Deo, rerum pia victima, IESU,
 Aspice nos, qui cuncta animas mortem A. Spence
 Exue morte noua, atque noua vitæ indue vitam.*

Iulij Cæs. Epitaphium ab ipsomet
 compositum.

*Extulit Italia, eduxit Germania. Iulij
 Ultima Scaligeri funera Gallus habet.
 Hinc Phæbi dotes, hinc duri robora Martis.
 Reddere non potuit nobiliore loco.*

Eiusdem